

曲園叢書

14
484
50



門有
號 484
卷 50



丁辛編

德清俞樾

文獻丁巳春大梁公讌卽席有贈

璽書萬里下金城爲念東南未罷兵此輩么麼原小醜

我

朝絳灌卽書生風前燾影朝臨陣雪裏刀光夜斫營聽

話從前鏖戰事江淮草木早知名

虎節新從塞外旋遊蹤遠過漢張騫人行戈壁渾如海

春到伊犁別有天城大園林能占地土甘瓜果不論錢

相期盡掃鯨鯢後更關新疆萬頃田

言二
旗鼓中原再建牙
怱怱歲酒出京華
三軍聚拜邊菩薩
一戰生擒陳夜叉
裘帶風流人盡看
弓刀嚴肅士無譁
將軍何幸從天下
自此蒼生望更奢
不才幸得接餘光
良夜叨陪酒一觴
此日軍容嚴細柳
昔年詞采豔長楊
人間韜略傳金版
天上圖書共玉堂
歌詠昇平吾輩事
待公長劍掃貪狼

樾於去年十一月疏請以鄭公孫僑從祀
文廟并以孟皮配享崇聖祠

詔下部議從之茲因檄行所屬府州并係以詩
驅車過溱洧有懷東里賢惟鄭介兩大玉帛難周旋治

外先治內要使根本堅寬猛適相濟火烈何傷焉孔子
昔至鄭事之如兄虔流涕哀其死遺愛今猶傳固與蘧
大夫聖意同拳拳竝許爲君子其道夫何偏今觀東西
廡春秋陳豆籩有蘧無公孫祀典猶未全使者敬入告
廷議僉曰然

詔增從祀位在林放前東廡瑗居首西廡僑爲先祖
豆從此定萬古無能遷

崇祀齊國公始自嘉靖時宋祥符二年封叔梁紇爲齊國公明嘉靖十年立啟聖祠
祀我

朝監前代乃立崇聖祠褒封其五世一例陳尊彝獨念

我孔子有兄曰孟皮孟皮未配享於禮猶有遺先人客
覃懷乎定兩卷詩實始發此議洵足千秋垂先大夫澗花府君印
雪軒詩集有覃懷游草兩卷皆客懷慶時作中有詠古
成章其第二首爲孟皮未與配享而發也懋此奏蓋敬
志云於今二十年荏苒星霜移不才秉使節問俗來嵩
伊敬本先臣意稽首陳
丹墀

詔下所司議議者無參差自此春秋祭俎豆及伯尼既
符萬世公亦慰一已私遺編重展讀風木增淒其

淮甯童子張家釗年八歲文雖無足觀而能成篇
因年太幼故未錄取記之以詩

古有張童子而今復見之呼名背吏笑執卷祖孫隨其祖

張斐然年五十九亦應試律已通虛字書纔讀幼儀雲程畱有待莫

懋采芹遲

西華縣文童蕭麟德年十四府縣試皆第一予試
來試之文詩字均可觀因亦置第一以勵髦士

如此年華舞勺纔居然下筆少塵埃連穿楊葉真無敵
未賦棗花已是魁賓館傳看欣得士封章偶及爲憐才

予奏報考試情形附及此事蓬萊更有三山在能否都登絕頂來

謁太昊伏羲氏陵

太昊當年此建都遺墟榛莽未全蕪史公不立三皇紀

邵子偏傳八卦圖但覺神明終古在休疑封樹後人誣
使臣敬向陵前拜分得靈著一束枯

時著草尚未生因于郡守處乞得枯

者百

澠池懷古

趙爲秦鼓箏秦爲趙擊缶爲趙擊缶秦所醜大呼太史
來歲月紀某某一時意氣遂千秋今日豐碑留道右鳴
呼一士之得失兩國之雌雄魯有一曹沫手劍遂足要
桓公漢有一樊噲卮酒遂足驚重瞳可憐宋襄公盟楚
乃見執可憐楚懷王入秦終不出當時左右豈無人碌
碌不堪資緩急我行渡澠水感此聊停車司馬犬子解

作封禪書智勇安得如相如

我行河陝間一首紀所見

我行河陝間山山半是土一徑纔通車兩旁若環堵何
年煩巨靈於此施鑿斧我意三代前建國此無數胙土
而分茅傳之歷年所如鳥愛其巢綢繆到牖戶爰乃因
地勢而以人力補欲求七鬯安不辭畚揭苦易稱古王
公設險守其宇此卽所設險藉以禦外侮春秋書築郿
傳者強訓詁區分邑與都於義實無取書築蓋非城因
地爲險阻自從車戰廢戎馬遂莫禦古人設險處因而
廢不舉徒令穴居民借以蔽風雨書生喜鑿空頗亦非

莽鹵為高因丘陵此語傳自古

此為謁關壯繆墓

祁連高築勢峻嶒靈爽千秋此式憑朽骨應憐魏疑冢

忠魂猶傍漢原陵墓碑直與尼山埒

墓稱關林與孔林同祀典頻

聖代增畱得佳城壯河嶽永教四海震威棱

予視學中州徧因人言而罷漫賦四章

雲煙過眼了無痕歸臥鄉山好杜門萬事是非憑吏議

一官去就總

君恩須知浮世原如夢莫怪流言太不根軒冕山林皆

是寄雪泥陳迹更休論

使臣兩載此停車奉職何容計毀譽竟使流傳成市虎

或因明察到淵魚性剛自覺逢時拙識短難辭慮患疏

聖主如天無不照莫將咄咄向空書

頻年雞肋戀微名猿鶴應疑負舊盟白簡忽催人解組

青山早勸我歸耕版輿安穩迎慈母治譜循良讓阿兄

更喜山妻詩句好朝冠卸後一身輕

歸期未定且徘徊草草移居又一回

新主去兒曹仍挾故書來短檠三尺貧猶在敝帚千金

願已灰從此江湖安我拙休將舊籍問蓬萊

放言

東坡在元祐文章天下雄發策試館職乃受盈廷攻以
為大不敬譏諷及祖宗宣仁雖不問羣論猶洵洵竟以
此請外不復留朝中後來葛文康名勝發策同此意其
時政和間文字多禁忌言者竟無人晏然保名位乃知
人多言亦是命所致磨蝎坐命宮欲避無所避然而葛
與蘇千秋孰軒輊葛事見岳珂程史

蘭坡方伯

瑛榮

屬題宋刻蘇帖

蘭坡以宋刻蘇帖三卷示余云得之都門市上乃宋
乾道五年汪聖錫應辰刻於成都西樓下者原刻三

十卷然陳眉公刻晚香樓蘇帖已云成都汪刻不可
復見則散失久矣此帖雖止十之一然的係宋刻可
寶也因題數語而歸之

東坡先生文章雄書法亦為千秋宗黨錮愈甚名愈崇
寸縑尺紙鼎與鐘端明學士官蜀中妙選美石精磨礮
末附跋語黃涪翁卅卷光照川西東西樓遺址俄蒿蓬
眉公搜訪嗟無從殘鱗賸甲偶一逢得之何異圭璧琮
蘭坡方伯今坡公羅列環燕評纖穠獨於此帖情所鍾
偶出示我吳下蒙我讀公文慕其風中年憂患頗與同
雪泥春夢俱恩恩惟媿夙欠臨池功鸚哥吉了難為工

虛將書髓摹文忠

出蘭坡又以錢武肅王鐵券搨本見示自元明來題

跋者數十家亦可觀也為賦四律

五代干戈際惟王智勇全奇兵屯八百神弩挽三千歐

史殊難據蘇碑自足傳至今畱鐵券題詠徧名賢

偶因披此冊軼事憶當初威懾羅平鳥恩寬使宅魚壁

間畱雅詠陌上駐香車草莽英雄輩風流總不如

何況名流筆元明至我

朝幾人徵野史

題跋自危大樸以下二十一卷出僧寮
餘人其中尚有無可考者
舊為六舟和尚所
藏亦吾浙詩僧也金石有時泐

券文半漫
漶不可識

雲煙未許銷

龍飛兼鳳舞奇氣向干霄

我本家吳越彌懷舊澤長湖山自歌舞祠墓已滄桑欲

問旗常業空畱翰墨香願教書萬本歸去壓輕裝

海昌杳辛香

冬榮亦知名士也流落梁園窮而老

矣以長歌見贈走筆和之

先生奇氣凌千秋一瓢一笠人間游頭童齒豁未得志

矣談往往輕王侯海內風騷久歇絕吾道廖落誰為謀

莽莽軍符走赤羽森森戎幕張青油誰念天涯有王粲

蕭條雙鬢猶登樓蓬蒿太肥蘭太瘦此憾未免東皇畱

君詩有云安排未免東皇欠
肥到蓬蒿瘦到蘭即用其意眼前窮達姑勿論聽人呼

馬兼呼牛且喜入閨有良友君室人能詩沽酒笑脫千金裘

不才亦作梁園客敢謂冰壺曾濯魄悠悠薄宦十年空

忽忽歸心千里迫旌節輪軒皆夢耳得失聽之何足惜

人世羣游傀儡場吾儕天付冰霜骨擬買良田可一畦

更闢小齋寬十笏著書數卷藏名山雖有三公吾不易

蹉跎虛願竟何年傾吐狂言先此夕璞中有玉各自珍

無令佗人識披褐

戊午春予自大梁旋里行有日矣賦四律述懷

梁園半載滯歸期又到鳴鳩乳燕時薄宦歸家原草草

逐臣去

國故遲遲向來琴劍仍隨我未定雲煙且聽之天付優

游閒歲月老農老圃盡堪師

回憶輶車下日邊梁園小住又三年未磨圭角難諧俗

獨抱冰心可對天初念已如矛盾反浮生更比轉轡圓

惟應不負登臨興大好龍門與百泉行部所至北登蘇門南游伊闕皆中

州勝地也

南天烽火未銷除自笑迂疎百不如議禮偶增新俎豆

前年冬疏請以子產從祀文廟談經難闡古圖書去

孟皮配享崇聖祠皆如所請敢期著述藏山富已媿文章報

秋呈進易原圖三卷奉旨發還國虛努力玉堂諸舊侶幾人頗牧幾嚴徐

一笑東華夢已闌扁舟歸去五湖寬
琴書檢點仍無幾骨肉都盧亦足歡
擬約鄰翁同秉耒更教兒輩試彈冠
平生自媿如鳩拙隨意營巢到處安

留別周容齋先生

自來梁苑識蒼顏信有神仙住世間
絕代書名李北海先生書法冠一時
中年豪興謝東山黃鑪跌宕交游廣
綠野尊榮歲月閑濃福清才都占盡
始知造物未曾慳偶然示疾等維摩
數月優游勝事多九十春光閒領略
兩三舊雨屢經過清談仍藉毛中令
小坐偏宜木養和自覺天君原不病
漫將丹訣問如何

論交何敢附忘年自喜琴尊有夙緣
猶憶高軒來絡繹爲憐拙宦費周旋
流丸已動誰能止破甑難完尙冀全
此意蹉跎無可報祝公上壽邁彭篔

卽今南下賦歸歟萍梗江湖聽所如
故里尙愁無立壁名山敢望有傳書
擬偕妻子同耕作便與漁樵共卜居

畱得先生縑素在銀鉤鐵畫照蓬廬

時攜先生書數幅歸

予發大梁顧湘坡前輩

嘉蘅

追送於城外并以詩

贈次韻奉酬

豈果菖蒲嗜好偏亦非香火有前緣
不才會忝輜軒使省識南陽太守賢

君曾奉特旨奪情三守南陽爲中州防禦門戶甚力俄被劾去官予校

士至宛士民具呈訟君宛者數十
人欲言非職愛莫能助至今媿之
有向悠悠覓賞音黃堂三度拜
恩深宛南風景今何似瓜印還宜更一尋
君去官後宛南盜賊逢起矣

毀譽何嘗有定評聞雷倉卒頗無驚與君同入彈棊局
莫怪中間太不平

中山店題壁

輕寒輕暖稱綈袍安穩籃輿未覺勞白飯青芻煩地主
所過州縣仍有適館授餐者深媿之天吳紫鳳戲兒曹自拋使節身多暇
欲試吟鞭膽未豪
時新買一騎偶作小詩紀行役燈前又擬

醉村醪

舟過維揚兵火之後彌望皆碎瓦頽垣荒榛蔓草
而已書此誌慨

綠楊城郭鬱蔥蔥亂後重來迥不同官道但餘春草碧
佛祠惟賸劫灰紅燒殘村落龍聲絕荒盡樓臺燕壘空
二十四橋都寂寞玉簫無復月明中

壬子入都會作金山之游至今七載矣金山寺已
燬於賊同游諸君亦半零落雲笈殉難江西及門
李簡庭叔姪先後謝世追念昔游慨然成詠

七年前向大江過坐對雲煙共嘯歌舊雨已成生死隔

名山亦自廢興多精廬剝落餘榛莽古樹摧殘賸薜蘿
欲卸蒲帆京口泊驚看戰壘尙嵯峨

鎮江城外
賊壘猶存

余自大梁歸因故里無家寄居吳市率成一律寄

目下諸故人

故里慙無一畝宮浮家依舊伯飛蓬浪傳梅福成仙尉
竊比梁鴻作寓公食字生涯還是蠹寄居蹤跡竟如蟲
雲霄舊友休相問已作江東老阿蒙

趙靜山撫部

德輶

過訪草堂賦贈

秋來寂寞掩柴荆忽聽騶呼里巷驚從者到門愁雨立
先生在坐覺風清草堂促膝無賓主茗椀談心有性情

早使吳儂傳盛事信陵車騎訪侯生

游獅子林作歌

佛伸手化五獅子偶然遊戲到吳市五百年來僵不起
至今嶄然成石矣我來攝衣登其巔奇奇怪怪言難傳
五覆五反看不足九上九下游未全地既彎環學盤谷
水亦曲折成斜川可笑吾儕竟如蟻乃於九曲珠中穿
書生立論怕隨俗偏向美中求不足雖然山勢喜空靈
未免游蹤愁偪促蛇行匍匐伍出關魚貫攀援鄧入蜀
昌黎有言我能詰屈自世間何肯低頭入山腹石兄聞
而笑君言何謦謦米顛所見一拳耳相對必具笏與袍

何况千巖萬壑羅堂坳非止片石堪論交請君來此一
平視早已游徧東岱西華北恒南霍中崧高君曾飽看
新安大好之山水又曾驅車遠度秦函穀試向此中尋
取舊游處一丘一壑無能逃更比壺公縮地好翻笑愚
叟移山勞縱不敢下垂伯督務人足侶亦宜稍折元章
居士腰吾聞石言亦點首凭欄啜茗不嫌久坐聽鄰寺
齋鐘鳴疑是林間獅子吼

流水禪居小坐

臨水數間屋凭欄亦快哉方塘陽燄活曲室綺疏開人
在鏡中坐魚從鳥下來平生濠濮意到此竟忘回

滄浪亭

子美昔罷官流寓來吳中儻屋住民舍炎暑憂蟲蟲尋
幽偶至此愛此一水通乃捐四萬錢買得地數弓舊本
孫氏園歲久埋蒿蓬稍稍修葺之泉清山玲瓏遂令千
載下過者懷高風嗟余一無侶敢與先生同文章與學
問不足希遺蹤如何失職歸亦來稱寓公寓廬苦逼仄
無以開心胸安得五畝地不染塵氛紅引泉作清沼壘
石成奇峰所願嗟未遂寄跡仍鶩籠且復躡游屐來此
披蒙茸振衣登危亭一覽秋天空

葛賢墓

詩五

七

葛賢初名誠吳人也明萬曆辛丑太監孫隆以織造
至蘇六門設稅吏凡負戴出入必稅錢數文閭閻騷
動賢以蕉扇招市人殺其參隨隆走杭得免賢詣官
待罪後遇赦不死又十餘年以壽終吳人義之呼爲
葛將軍葬虎丘其地卽在五人墓側近代詩家如隨
園甌北皆有五人墓詩而不及葛墓因作此篇曰
五人墓畔一抔土尙有殘碑畱廢圃其人更在五人前
一樣英名照千古相傳有明萬曆中織造太監來孫隆
六門稅吏虎而冠誅求不顧閭閻空葛將軍眞鐵漢蕉
扇一揮吳市亂老拳毒手各爭雄霹靂青天狐鼠竄東

身歸罪官吏愁銀鐙擲地寒颼颼男兒死耳復何恨含
笑願從要離游戴吾頭來竟不死從此義聲動吳市後
來顏馬沈楊周五人乃是聞風起我尋五人墓因至將
軍墳當時國事何紛紛赤丸斫吏固惡俗銅山破賊眞
奇歎斯人不媿稱將軍山塘七里烟波活芳草離離埋
俠骨後人倘訪五人碑無忘有此一條葛

送孫琴西同年 衣言 出守安慶卽用其癸丑年見

贈原韻

君本蓬萊仙青雲跨白鳳如何太守章
帝忽爲爾弄占易得明夷君子用莅衆 君注易至明夷卦而拜出守之

詩五

十三

命乃駕五馬出復此一尊其嗟余寄吳市杜門讞誼闕
雲水無定居風波有餘恐投刺來故人折柬具清供痛
飲借酒杯高誦擊飯甕顧念此分手飛沙孰搏控勉子
萬里風老我一谿葑

周孝女詩

孝女姓周氏名芝字叔英仁和人贈知府雲笈大令
弟三女余長子紹萊所聘婦也雲笈署江西安義縣
殉難女聞訃痛不欲生然啟處食飲仍如平時一日
晨起盥櫛焚香其父之位前拜且哭哭已入所臥室
呼婢索茗飲母入視之側身臥牀中微覺有異呼之

則曰諾問所苦則曰無諸兄弟姊妹環問之應皆如
是疑得暴疾有嫗能以按摩治人疾趣使治之女向
嫗搖手示弗欲召醫未至其伯父爲切脈脈如常覆
按之已無脈比醫至則氣絕矣時丙辰四月十七日
距雲笈之死三月耳女卒後體仍溫和貌益腴潤側
身臥如故鼻孔有物出白如絮比殮已隔宿體雖冰
仍能屈伸雙目雖閉或啟視之瞳子仍瑩然也女嘗
語諸姊曰人生無疾而死至不易得獨吾能之餘人
無此福也前一日檢所用筆墨及其父手蹟平時所
摹寫者屏當置一篋以授其兄若前知將死者亦可

異矣余前作雲笈輓詩已及此事茲得其詳因復賦

四律

纔誦離騷弔國殤琪花何意又摧傷已聞鐵杖軍前死
史痛金鑿膝下亡人去難留離母草醫來安得返魂香
一門忠孝千秋事史筆憑誰爲表揚

綠窗晨起自梳頭小坐仍隨母下樓讖語偶因諸姊露
遺書先付阿兄收麻衣一慟腸真斷玉柱雙垂體尙柔
最是分明生死際教人爭不信仙游

紫府清嚴事有因夢中姊妹宛相親雲階月地歸猶記
綠字青編識未真女卒後其姊伯英仲英同夕夢至一處父據按南面坐女西面坐女出一

紙示兩姊不甚可辨中數字稍明白曰萬事如電耳人歎曹娥能殉父我知蔣妹

已成神獨憐吾輩風塵裏媿此須眉七尺身

往負纏缸十載前癡兒薄福竟無緣炮媧自是難爲匹

姑歟須知本是仙已悟浮生同掣電尙煩微語勸歸田

女旣得雲笈訃微謂家人曰仕途何味凡今之仕宦者宜早勸令歸休矣噫此言豈爲余發乎惟當徧

乞名流筆青石磨礮手自鐫

小游仙詩和孫丈賓華 元培韻

浪傳名字在丹臺蕙圃芝田半草萊爲語孫登休太息

嵇康龍性豈仙才

曾聽鈞天到帝廷分來藜火一燈青如何翻被羣仙笑

誤讀儒童菩薩經

琳宮小住亦前緣
鸞裝鸞下九天經過昆侖星宿海
不曾摘取一天錢

平交五嶽已多年
重向人間作斥仙
近日蓬萊風更大
不堪太乙尚稟蓮

嘉平二十日移居經史巷

泛宅浮家任所如
偶來吳下卜新居
敢爭子美滄浪席
且讀天隨笠澤書
朝籍久除無束縛
鄉山欲買尚躊躇
一椽聊借詩人屋
大好城南獨學廬
所居即石琢堂前
輩故宅有獨學廬
不才何敢望前賢
仙籍剛遲六十年
琢堂前輩為乾隆
庚戌第一人予亦

以道光庚戌人詞館或有因緣存翰墨
故容嘯傲寄林泉
園荒更

擬添栽竹池小
還思補種蓮
殊較梁家夫婦勝
當年燕下太堪憐

摩挲碑碣手頻揩
遺址重尋資硯齋
讀琢堂前輩城南
老屋記知此即何

義門先生故宅有資硯齋前輩風流吾豈及
小園花木近猶佳
磷峴

石骨高于屋
湫豔波紋綠到階
最喜數椽臨水築
紅蠻隔子早安排

眠雲精舍榭微波
想見當年勝地多
眠雲精舍微波榭
皆見城南老屋記

今欲為名園
記興廢空畱老樹
意婆娑百年俯仰成
今昔半畝寬閑足
嘯歌安得草堂資
十萬重將舊迹補煙

蘿

己未春趙靜山撫部引疾歸里詩以送之

開府三吳鬢未皤乞身歸去為微疴召公南國甘棠在

謝傅東山遠志多一品衣披堂戲綵先生二親俱在八騶車擁

里鳴珂遙知四海思霖雨未許林泉久嘯歌

不才幸得望餘光翰墨因緣未可忘已為寒瓊留講席

承薦主雲更從廣坐歎文章先生每與僚屬歎賞余相

羊花太逢公暇臨去前數日至了烏衣冠恕我狂鵬鷄

不須分大小異時還望共翱翔

舟過練市見臨水有朱藤一株根可數抱花開表

廣半里許真奇觀也賦詩張之

一片紫雲低不起化作繁英飛墮此舟中有客倚蓬看

驚見花光明半里此花未識栽何年老根屈曲蟠河邊

河畔居人亦好事編竹為架相鈎連我昔此過花未有

已覺輪囷裘數畝幾日春風箸意吹荒村變作繁華藪

數十人家花底排卜居得此何其佳張就紫絲千步障

鋪成軟繡一條街笑殺隋園空翦綵人間自有春光在

比佗鄧尉萬楸花此地應名紫泥海

王老人詩

老人仁和臨平人莫知其名但相呼以王大而已無

家室行乞市中迹類顛狂兩耳皆聾而聲如洪鐘亦
莫知其年余童時見之伯六十許人至今不少異然
吾平泉舅氏行年八十自言少時所見已如此則其
年殆未可意計也豈其得道不死而隱於乞者邪因
爲此詩贈之

耳聾髮禿尙童顏市上狂譌獨往還疑是洛中李元爽
憐渠未遇白香山

寄安徽學使邵汴生同年

亨豫

皇華使者敢辭勞且向巖城擁節旄三月春風兵氣靜
萬山雲樹講堂高遺經待訪新安舊雅詠猶餘洛下豪

君去年典試中州絳帳諸生相望久幾時玉尺得親操

大好江山畫不侔鄙人十載此登樓赤眉青犢悲新劫
白嶽黃山感昔游向秀山陽頻聽笛王猷剡水屢回舟
憑君問訊鷗鷺曹阮溪邊憶我不

安徽學使舊駐太平今因亂移駐徽

州乃余舊游地也故及之

孫琴西同年以安慶守奉使過吳止余寓園旬有
餘日賦長歌贈之

今上龍飛初御極春風桃李花同色平明金殿策賢良
與子相逢始相識長安冠蓋開如雲趙瑟秦箏日日新
但覺同游多不賤誰知交臂有詩人君詩卓犖無餘子

五言往往凌蘇李送我南歸詩一篇文字論交從此始

鷗鷺江湖鳳九霄羨君聲望動詞曹瓊樓玉宇

三天上俯視不覺蓬山高 帝子橫經競問字

聖人錫福親揮毫凡編檢直 內廷者歲終亦 賜而 福字君以翰林直 上書房三年

我還

朝亦自幸兩年玉尺中州操輿前碎礚奏鼓吹道左旂

旒羅旌旄北登蘇門南伊闕茲游足算平生豪無端甌

破不復顧歸 且向吳中住吳中獨學老人廬泉石不

多多古樹寓 待此亦復佳往事雲煙何足數攤書自

課嬌女讀得句 或共老妻賦忽聞門外打門急戎容暨

暨兒童怖一笑那知舊雨來相對須眉尚如故君言五

馬來南方腰間已佩太守章太守有官不得赴皖公山

色徒青蒼大府憐我久失職姑畱戎幕資勩勩宵與犬

雞共闌笠晨隨牛馬爭泥漿澄懷風景在天下土蠛

蝨安能望行謀謝病返故里免教望遠憂高堂我掃閒

軒止君宿舊交更檢同年錄幾人邊瑣苦難歸幾輩朝

衣愁被戮去年科場案同 年有坐免者何如風雨兩閒身失馬庸知

非是福但博流傳有豹皮肯教辛苦添蛇足草堂寂寞

雨如絲我作長歌君和之旁人莫訝吾曹樂梨棗新刊

十卷詩君詩十卷于詩亦 十卷新刊于吳門

琴西引疾歸里復以詩貽之

聞說高堂已白頭書來苦勸早歸休恩恩春夢收殘局

落落晨星感昔游廿載名場同得失君丁酉得拔貢而余亦以是年中副

榜嗣後鄉會試兩家詩派異源流余與君極相得而詩格不相近男兒

不副旗常志尙有名山一席畱

天平山訪范氏先塋并非文正祠

石骨崢嶸萬笏青山何處寫真形危崖一綫天無路

山頂有日一綫天者閒氣千秋地有靈鐘鼎大名畱史策林泉勝

概壯圖經莫教樵采侵抔土長爲三吳作典型

文正遺祠訪夕陽當年相業最堂堂門前高弟孫明復

帳下偏裨狄武襄賊膽至今猶可破義田自昔未曾荒

先憂後樂無人識一曲空傳范履霜

姚平泉舅氏以八十生日自壽詩見示次韻二律

千秋箸述百年身瀟灑天懷久出塵意氣迴殊窮博士

姓名爭詫古賢人宛丘學舍休嫌小錦里先生不諱貧

佗日漢廷徵伏勝會看皓首拜

恩綸

優游不覺宦途難一室絃歌傍杏壇舅氏時官上虞教諭入世蕭

間同出世有官恬退侶無官箸書膝下兒能讀得句闌

中婦解看舅氏集中附有子婦沈氏和詩媿我登堂仍未果輸佗烽帳

衆儒冠

宋于庭先生

翔鳳

重赴鹿鳴宴以詩爲壽

笙簧重賦鹿鳴篇鳩杖扶來望伯仙自是詩人宜太守

有旨加

儘容後輩認同年五星恰聚鳴珂里

時於江蘇省垣

知府銜

十月欣逢造榜天

因借用吾浙貢院

試問嫦娥

應省識惟添鶴髮照瓊筵

龔黃治譜至今存歸臥鄉山道更尊無忌得名原伯舅

謂令母舅莊葆琛先生

康成絕學合傳孫月中舊織登科記吳下

新開通德門更有尙書紅杏在江南二老共承

恩沈怡園前輩亦於今科重赴鹿鳴宴

朱伯韓前輩

琦

以所著怡志堂詩集見示卽題七

言一章贈之

伯韓先生今坡公文章氣節天下雄餘事更擅風騷宗

不肖喁晰如寒葢庸成冊府藏其胸敬爲

昭代歌成功我

朝王業基遼東伐定諸部如撥糶

真人入關築六龍八旗健兒皆熊熊荒荒絕塞開螭螭

地垠天閩靡弗通侯其禕而羲軒農嘉道以來文治隆

六合內外俱喁喁海外忽起颶颶風大翼小翼千艨艟

鬼聲魏魏碧兩瞳長江又見烽煙紅蚩尤鐵額頭顱銅

肩背毛髮垂髻髻中朝大官身鞠躬議和議撫何從容
徒令宵旰憂

深宮先生蒿目心懣懣我歌可夫聲摩空

列聖謨烈存爰鐘編纂有職臣所供作爲饒歌被瞍矇

勿替引之期無窮楚茨之義將毋同集中弟一卷新其饒歌四十一章

餘各體咸精工良由學足才識充更兼氣盛如長虹豈

止壇坫詩家崇方今

天子達四聰願得公等寄折衝與之高議雲臺中行見

江海俱銷烽吾儕伏處甘蒿蓬中興更請歌車攻

庚申二月賊陷杭州戴醇士前輩在籍殉難追念

舊事慨然有作香餘贈日取雲何轉一賦故藉火

憶昔甲辰歲我始舉于鄉明年偕計吏妄思觀國光公

時以卿貳傑直

南書房偶見我行卷激賞其文章頗思羅致之桃李充

門牆此語孰我告故人馬季常謂馬燕香平生硜硜意斫石

同堅剛每恥劉彥和負書獻道旁毛雖刺上生塵甬車

前望一笑而謝之高臥元龍牀然而惓惓情至今中心

藏所感在一言豈必曾揄揚迨至歲庚戌我亦登玉堂

與公前後輩相見宜無妨而公已林下蹤跡仍參商西

湖好山水天許公倘佯聲華滿朝野翰墨傾侯王香山

老居士其樂固未央如何劫運來大盜俄披猖鄉官無
 職守亦與城俱亡惟公受而公曰林下漁樵豈商西
 恩厚一死分所當仙或借兵解鬼猶成國殤賤子獨有
 感感舊心傍徨佗年喬公墓隻雞其無忘
 賊薄蘇州余倉卒出城時四月初四日也轉展遷
 徙于五月初二日渡江入越寇氛稍遠聊復息肩
 途中得四絕句紀事其文章敢思蘇廷之林卒亦
 為愛園林柳五株等閒未即去始蘇余所寓石氏五柳園以有柳五株故名
 名如何一夕倉皇甚驚聽林間叫鷓鴣
 寶帶橋邊正夕曛回看紅燄已連雲可憐一炬始蘇火

知是兵烽是寇氛

仙人潭水好停舟位置琴尊一小樓偏有夢中人告語

僅堪半月此句畱余有薄業在新市遂往依之僦沈氏屋有樓數間頗足容膝弟一夕余方

就枕若有人于耳畔告曰此地可居半月耳後卒符其語亦可異也

浙西烽火苦相催故里荒蕪半草萊欲乞鑑湖吾豈敢

一帆聊復渡江來

脚划船

其小舟如葉一夫坐船尾以足運槳划之往來如飛謂
 之脚划船舊止越中有之今則徧江浙矣余避地越
 中偶一坐之戲作此詩

文人能以腳捉筆健兒能以足蹋弩天生四體本相資
手或無功以足補越中扁舟小似葉船尾長年力如虎
其力在足不在手其具用槳不用艣屈伸有若雞上距
高下渾如螽動股五指化作獅子王一足跳學商羊舞
翩然來去浪花中真覺扶搖如一羽我因避地坐此舟
未免終朝偃且僂昔時巨艦張旌旗今日輕舸走風雨
自來齊物學莊生大小雖殊何足數獨念盜賊正跳梁
莽莽東南無樂土中流擊楫彼何人伏處烏蓬慙不武
何年巨靈此一擘擘破頑青現空碧何人於此構僧廬

七星巖

巧借青山爲四壁并無屋上三重茅但有空中一片石
疑從仙島割煙鬟移到禪房充翠帟盈盈綠水尤可愛
杲杲炎光不能赤吾來脫舄坐雲根更復攜杯飲瓊液
興酣長嘯凌清風步自山腰到山脊飛閣嵯峨面水成
精廬窈窕依巖闢扶竹爲欄未覺危仿舟作屋何嫌窄
古來勝地豈有常蘭亭已矣空陳迹惜哉今無王右軍
坐對林泉虛有癖佗年倘話越中勝請以茲巖告游客
上虞學舍拜平泉舅氏遺像感賦二律
不坐春風又七年此來空拜影堂前人將菩薩呼邊鐫
上虞人呼舅氏爲姚菩薩天以儒官老鄭虔身後畱貽無長物夢中

省識有前緣

舅氏未赴上虞任時夢游一山及至虞游仙姑洞宛然如所夢也

仙姑洞

口憑誰問何處仙龕住樂天

大患無如我有身知公久已倦風塵

舅氏臨歿前十餘日有書寄樾引老

子曰人之大患在我有身

蜉蝣楚楚名場幻蟻蝨紛紛劫重斯孔世

考終原是福浮生遊戲本非真

舅氏自偶然游

粹

羊曇在猶是拖泥帶水人

贈了緣

了緣者平泉舅氏之舊僕張林也余昔在京師亦嘗

相從後仍歸舅氏侍舅氏于上虞學舍者年餘忽一

日辭去入蘿巖山居僧寺長齋奉佛儼然老僧但未

削髮耳聞余至上虞因來余寓年已六十六矣撫今

思昔為之悵然乃以詩贈之了緣其新更名也

苧袍葛屨誰氏子兩鬢霜毛垂及耳蹙然曳踵登吾堂

姓名余亦幾忘矣徘徊認取舊時容面目雖非音尚同

昔年鯽溜青衣僕今日龍鍾白髮翁廿載流光去如電

人間何事堪留戀天上巢痕轉瞬空雪中爪印隨寺變

吾舅清閑老一瓊西州重過淚潸然見說新阡將草

那教舊僕不華顛自言領略枯禪味耐得僧廚蔬筍氣

看破塵緣號了緣本來無物原無累蘿巖山下少人行

一月飄然一入城愧我俗緣殊未了至今還是此浮生

出上虞縣城西南行可十里許有鳳鳴山山有仙
姑洞東漢時有仙女藥鸞至此故名兩旁峭壁千
仞其左右石罅中有瀑布飛流注山澗聲如怒雷頗
有奇致因成一律紀游

自從仙子藥鸞至長使千秋勝境開暑月飛泉歎作雪
晴空絕壑激成雷僧樓突兀雲中出樵徑崎嶇木末來
我亦偷閒剛半日山光樹影足徘徊

感事四首

海上軍容盛火荼名王自領黑雲都獨當淝水心原壯
一失街亭勢已孤九地藏兵狐善搢重洋傳檄鯉難驅

遙知此夕甘泉望早見烽煙照大沽

鬱鬱三山次第開離宮別殿偕蓬萊累朝制度周靈囿
每歲巡游漢曲臺海外鸞帆來絡繹雲中鳳闕失崔嵬
昆明湖畔波如鏡猶望春風玉輦來

漢代和戎計最疎重煩供帳大鴻臚天吳紫鳳真兒戲
清酒黃龍是誓書式璧齊廷聘鷓鴣擊鐘魯國饗鷄鶻
幾時竿上垂明月釣取吞舟海大魚

先朝講武舊圍場蕭瑟秋風塞外涼早望羽車迴谷口
漫勞石鼓刻岐陽飛黃一去清塵遠凝碧重來法曲荒
賸有開元朝士在讀唐詩筆賦連昌

辛酉春門下士朱伯申福榮將之甬上以詩送之
酒氣成龍劍氣虹如君豈久困蒿蓬銷磨圭角隨流俗
顛到英雄任化工三載門前來立雪一朝江上去乘風
男兒遭際尋常事都在窮途失意中

次戴子高望韻卽送其之閩

戴望富經術卓卓後來彥伏處蒿廬中長譔傲軒冕耿
介耽孤行闊疏恥獨善年始髫鬣時出語驚里閭稍長
能文詞下筆頗兀岬一室坐吟唔刺股血流斡疆識人
不如剽竊吾知兔文章本六經雕蟲古所賤昌黎日月
光豈識世有段由來經術尊擯棄何足患奈何窮巷士

坎軻發長歎庸知一卷書榮或逾南面行矣之八閩所
學慎無變化年海外歸待子定學桉子高嘗有志定國朝學桉故云

平泉舅氏弟二女子曰仲蘭與室人季蘭兄弟也

適德清戴羹叔純乃先祖母戴太恭人之姪孫早
寡歸依母氏恒往來余家余眷屬人都亦嘗偕焉
後因奉侍病母不復從今聞其歿於臨平以詩哀
之

平生無姊妹獨有外家親宴笑閨門內提攜總角辰仲
姬尤婉婉小戴更彬彬自破臺邊鏡仍充掌上珍劇憐
萱草病苦耐菜根貧持長齋二十餘年矣萊婦分同氣譚私託舊

姻每推中表誼不厭往來頻冷突朝同守寒衣夜代紉
主張兒棗栗陪待母昏晨憶昔東湖住相依秋復春憐
余常落魄何日出風塵迨後京華去相隨舟與輪憐余
仍薄宦未足活枯鱗梁苑鶯花富樊樓燈火新嬌兒增
色澤病婦長精神歲暮輶車歇宵深麴部陳矚瑜排舞
席梁欏振歌唇忽念牽蘿屋猶餘倚竹人艱難同骨肉
歡樂異關津往事何須說浮生總不真我仍窮落寞君
已病吟呻徐淑能詩女陶嬰早寡身危根寄萍梗苦節
勵松筠半體先疑死雙眉久未伸熒熒惟白屋擾擾又
黃巾身世一無著存亡兩亦均庸知泉下樂不愈世途

屯永謝棘荆累長辭薑桂辛魂應棲淨土名待刻貞珉

大勝飄零客秋風臥海濱

時余避兵上
虞之槎浦

賊至臨平焚燒殆盡此余釣游舊地也聞之喟然

有作

昔聞臨平湖其名見吳志越至晉武時石鼓出其地南
宋都臨安門戶此焉寄勝迹安平泉古剎明因寺于今
數十年居民頗鱗次吾家烏巾山做廬守先世因從舅
氏居乃就簷尹筮筮云利用遷一椽租史埭是年曰涪
灘余生甫四歲竹馬與鳩車羣兒共嬉戲抱書赴冬學
貰酒修春禊童時所釣游不與故鄉異今雖走四方舊

事吾猶記無端大劫來一炬無焦類孫氏宰相家崔盧
好門第吾嘗此讀書樓前兩樹桂西偏屋一區壞牆蒙
薜荔是吾舊所居風雨于此庇題曰印雪軒太鶴山人
字印雪軒額爲青田端木舍人而今盡焦土無復積垣
蔽念自亂離來四海俱鼎沸名都與大邑白日走魑魅
何況此彈丸黑子真可譬大官專城居兵力足自衛坐
看三日火不爲發一騎獨我感昔游憮然不能置阡陌
與市廛歷歷在夢寐如何轉瞬間惟賸山光翠佗年更
訪舊何處黃公肆已矣勿復言空使人憔悴平生無一
事不等空花墜舊巢隨處掃流水逐年逝茫茫窮海濱

偶作匏瓜繫莫教撫銅狄更灑新亭涕

文宗顯皇帝挽詞

寶籙初凝命垓堦望治平續旒天沕穆袞鉞聖聰明史
載求言詔朝縣進善旌共傳新政好歌舞徧寰瀛
軒帝垂衣日蚩尤作亂年徒聞舞干戚未見洗戈鋌德
被鴉難化威行鱷未遷中興諸將帥何以對皇天
去歲蒼梧狩鑿輿遂不回秋風吹塞草落日照宮槐

歸

元子經綸仗衆材流言無管蔡何必待風雷
下土一蟣蝨曾充侍從臣端門蒙首選宣室荷垂詢未

有涓埃報徒餘老大身鼎湖龍去後望斷屬車塵

賊陷紹興與余所寓槎浦相距甚近因避居海上

草舍中賦此識慨

武侯昔未遇抱芻茅廬中譽我豈其人伏處同寒蟲偶
因避寇亂來此滄海東一廛那可得全家寄牛宮其上
片瓦無其旁四壁空但有三重茅不足避雨風顧念曩
所居峻宇高垣墉門前置蘭綺壁上銜金釭畫堂玳瑁
梁密室玻璃窗于今盡陳迹變滅浮雲同平生學齊物
顛到任化工化我以為鳥吾因巢于叢化我以為魚吾
因游于江必存今昔見無乃猶兒童獨憐海天外尙見

烽烟紅未必此一隅遂無戎馬蹤咄咄魯仲連何地足
自容

火輪船

吾聞宋楊太其舟始用輪如何轉運法堇史所未陳自
從西人入中國雖有班輪不能測以火運輪輪運舟萬
里重洋一瞬息依依格格春雷鳴滂滂勃勃秋雲生鬼
薪辛苦誰所職佛輪微妙無由明怪哉舟重煙力輕乃
能以輕御重行紅毛鬼子坐船尾紫髯碧眼何崢嶸破
浪乘風飛鳥疾船中穩臥何其逸莫嫌深侶挹婁梯居
然寬勝維摩室性命免與蛟龍爭阜攄何妨牛驥一有

時拾級試登臨上下海天同一色獨念棄楚車古人之

所羞是以蔡與許不列于春秋吾因避寇亂聊復登此

舟時坐此舟由鬼聲魏魏難與語且作長歌寄海鷗

定海至上海

一

一

一

一

一

一春在堂詩編五



壬戌編其韻昔人未見其父見其子春在堂詩編六

德清俞樾

春在堂詩編六

春在堂詩編六

故園寇盜尚縱橫盡室飄零賦北征且與魚龍同曼衍

未勞魑魅便逢迎兵間杜老妻孥在海外坡公笠屐輕

慙媿乘風行萬里年來憂患減豪情

黃沙歌

出吳淞口數百里海水忽黃舟人云此名黃沙乃黃

河中泥沙隨流入海其勢甚猛不能遽消因成此色

亦奇觀也賦此以記所見
昔人探河源云從火敦腦兒始我行未至昆侖虛未識
河源何處是乃從海撥一登臨不見河源見河委前日
吳淞口昨日清水洋無端滄海中燦爛成奇光布金非
舍衛搏土無媯皇是何海中沙有若琉璃黃舟人爲我
言此乃黃河入海之故迹海色與天光上下同一碧黃
河千里百里奔騰來其勢不能遽與海爲一遂令海底
皆黃沙萬丈光芒映朝日始信河爲四瀆雄入海猶難
渝本質焉乎龍門穿鑿神禹功送之入海事已終誰從
海外尋其蹤昔人未見我及見眼盼洵足千秋空豈比

東方曼倩紫泥海徒將調語欺兒童

黑水洋

舟過黑水洋漫漫不可極渾沌六百里四望同一黑怪
哉水與天上下成異色無乃黑水之餘波奔流入海尙
可識又疑上帝斬黑龍流血千年消不得尙教剖蚌定
元珠若令生魚盡烏賊噫噫陋儒坐守一室中黑漆屏
風寫月蝕設來此地一登臨能無萬怪生胸臆書生高
歌獨有神萬丈光芒照海國滔滔濁浪遠連天止當硯
池一泓墨

舟行遇西北風遂任風東行距高麗國不千里矣

賦此記游

我舟西北行乃遇西北風謂宜投海島稍稍避其鋒紅
毛鬼子意氣雄御風而行聲蓬蓬登艫一望淼無際但
見朝暎眈我雙眸紅云距高麗不千里其地已在山海
關之東我聞高句驪箕子之遺封國人重文學弦誦何
斷容乾嘉以來經術崇魯壁汲冢搜求空古書往往出
其地文字頗足訂異同我倘乘桴竟一至良亦快吾嗜
古之心胸旁有估客聞而笑此行雖憊吾願從高麗紙
與高麗布捆載而來利亦豐

將抵大沽忽遇颶風又漂流竟夕始得少息詩以

紀事

連日苦風逆從者咸已痛今朝大稱意高挂十幅蒲舟
人來我告明且達大沽同舟盡相慶勞酒將同酌無端
暴風作不暇占銅烏但覺萬斛舟輕若波中鳧忽而挺
然立如欲登天衢忽而陡然落如將趨尾閭大桅高百
尺飄搖同葭葦舟中所有物走若盤中珠怒浪排空來
疑有神人驅大起復大落壓我舳與艫失勢倘一跌性
命真須與同舟盡失色崩角相號呼人力無可恃但恃
神明扶繫余避寇警盡室行危途頗聞古人語忠信豚
魚孚顧當勢危迫未免心憂虞不知坐何事一怒逢天

吳耿耿不成寐愁對明星孤

入都門口占

蓬山回首杳無痕重對長安酒一尊
兵火餘生隨處好雲霄故友幾人存
舊巢歷歷猶能記破甑區區未足論
海鳥避風聊一至漫勞屬目魯東門

哭孫蓮叔

海陽有雋才孫氏字蓮叔其家本素封
一鄉推右族弱冠當門戶年甫十五六
少年意氣盛未肯守邊幅換酒裘千金
買笑珠十斛玉勒控駒駘金籠養鴿鴒
博局夜呼盧毬場朝蹋鞠擁貲索百萬
揮霍如土堞人生適意

耳安能長趨趨是時猶承平東南未傾覆
蘇杭號天堂繁華積成俗君亦時一游
錦帆張玉舳覽勝遍湖山移情到絲竹
竟夕酒樓眠累月倡家宿迨我始識君
君已稍節縮回首少年場不覺頰爲頰
折節事詩書自悔昔未讀時時爲小詩
天然雕琢所居曰霞溪構屋山之麓高
堂何窈窕密室更屈曲綺窗明玻璃繡
幕淨沙縠有母年八十哽噎不待祝有
婦稍知書倡和亦足樂楚楚膝前兒森
森階下玉人生得如此何減神仙福賤
子與論交前後十寒燠其時客新安過
從不嫌數君家紅葉樓一室署觀旭木
榻爲我懸醴酒爲我漉我來輒止

此宛如梁燕熟高談泣鬼神大笑驚童僕已聞半夜鐘
猶翦一寸燭此情與此景今生詎可復男兒重知己豈
徒事微逐我時學未成轅駒苦局促而君不我鄙愛我
逾骨肉寒則授我衣食必問我欲有詩輒示我可否以
我卜送我游長安青雲爲我勛聞我登玉堂自喜所見
確識士風塵中果不負吾目嗣是稍闊疏往還惟尺牘
猶謂兩未毫舊游儻可續誰知劫運來滄海變成陸大
盜起東南無地不鋒鏃新安萬山中庶幾免荼毒如何
一丸泥未足封函谷堂堂細柳營誰樹大將纛君時竄
荒山手足盡皸痂呻吟老母病宛轉嬌兒哭艸深宵有

虺林密朝見鵬牆低畏虎夔藩小愁羝觸一朝鼙鼓來
旌旗照林木倉卒竟安之全家死溝瀆碧血土中埋白
骨山前暴古來文人禍未有如君酷顏路竟誰司龜策
豈我告頗聞覆巢下二卵幸未曠或藉一綫延君子終
有穀顧我念今昔中腸轉歷彙猶憶別君時辛亥孟秋
朔何期一分手從此不再握一僕君所薦今亦登鬼錄
惟君所贈衣雖敝仍在籠篋中有君詩頗未飽蠹腹行
當更編纂或稍加斧斲區區身後名雖有君豈覺天心
未悔禍時事日以蹙吾儕生不辰天地何踳踳念君更
自念涕淚可盈掬

蝟

夜半羣奴譁庭中得一蝟天明起視之厥狀吁可畏體
較麋兔微形比鼯鼠偉蜿蜿伏如狸蠕蠕動如蟻聲如
犬悲噪毛如豕怒豕不知從何來俯首就羅爵頗怪北
方人畏之甚鬼鬚云此有神靈動色競相謂由來流俗
恐不惜牲牢費貓鬼爭供養烏巫大尊貴遂令此么麼
亦似有靈氣其實何能然蠢若負盤蜚不如付庖丁配
以一斗藪髦殘象白外或亦一佳味而我忽有觸搖手
謂且未猛虎在山中百獸無不避蝟能入其耳倏忽若
飛蟹是乃虎之王蝟名虎也見廣雅豈宜備脯餼越王式怒蛙

謂足勵果毅方今東南盜無地不鼎沸疾走類蛩蛩被
髮若狒狒豈無介冑士供億到屢扉談虎且色變安足
資敵愾感爾能制虎縱使就蒿蔚區區式蛙意願以告
軍尉

閏八月十五夜對月有作

咸豐元年閏八月吾家猶住臨平湖是歲吾年三十一
已忝著作承明廬同治元年閏八月全家浮海來丁沽
行年四十又加二回思往事堪長吁碧幢紅旆號使者
青鞵布韞稱田夫鶴汀鳧渚弄風月牛關豕豈愁泥塗
吹竹彈絲樂賓客擬金伐鼓驚妻孥錦纜牙檣導津吏

江檣海撥櫻天吳止此一十二年內烟雲起滅何事無
天上玉堂日已遠鏡中朱顏日以枯朝東莫西身碣碌
左高右下心轆轤到手黃金揮卽盡當頭白日俄已徂
頗怪長安諸故舊謂我貌比當年腴將無學道果有得
不於世味分薺茶今宵對月試一問可能故吾如今吾

甲子元日試筆

坐守糶盆倦卽眠醒來紅日滿窗前喜逢甲子上元歲
應是干戈大定年下澤消搖宜我輩中興圖畫有諸賢
未衰定不天涯老猶許歸耕負郭田

入都遣嫁弟二女口占

記授唐詩在膝前鬢髮短髮正垂肩而今送汝于歸去
還似嬌癡上學年

草草儉裝愧未豐本來寒素是家風一枚竹筥無多物
荒我研經兩月功

向平婚嫁幾時休今日才教一願酬自笑真同食都蔗

要從末後到前頭

余兩子未娶長女未嫁茲所遣嫁者最小之女也

采衣好去拜尊親冰泮良辰喜及春只我芒屨疏懶甚
爲兒重踏六街塵

花陰補讀圖爲朱久香前輩題

先生早歲登玉堂一封軺傳游荆襄黃頭裴尾手自定

詞人之稱無低昂偶然繪此圖一幅雜花滿庭書滿牀
隱囊紗帽隨意坐一編口誦聲琅琅中年偶向東山臥
仍借六籍爲笙簧卽今復起秉英蕩皖公山色看青蒼
忽對舊圖長太息故園徧地皆荆棘白日梟羊披髮來
黃昏土伯逐人食先生藏書數萬卷戢戢牙籤分五色
一經兵燹總無存玉躔金題盡銷鈔空從畫裏認嫵嬛
三篋亡書誰補得鯢生對此亦煩憂東南羣盜何時休
憶自夷門謝使節三年住近齊雲樓獨學老人有故宅
尙餘花木宜春秋自埽閒軒坐且讀妄於經訓窮搜求
至今飄泊在歧路名山舊業何時修經燒書櫃半零落

江檻海樑長漂流

余自中州罷歸流寓姑蘇賃石塚堂先生故宅以居著羣經平議一書因

亂中止未知何日卒業爲之悵然

昨日見捷書來北闕

天戈直掃颺颺穴東南兵亂十年餘會見烽烟從此歇
先生它日還朝中復築書城高突兀自公退食坐花陰
依舊觀書眼如月走也閒身百無事索異搜奇到碑碣
倘許借觀未見書長願相從比蝨蟻

崇地山侍郎

崇厚

延修天津府志偶成四律

故鄉煙樹杳無痕偶挈琴書此地存客籍聊堪充雁戶
史才何敢望龍門百年喬木憑誰問一席名山妄自尊
厯厯

四朝多盛事好從耆舊共尋論舊志修于乾隆四年迄今又百餘年矣

丁字沽邊攬勝過豈惟美利擅熬波虎符重鎮今三輔

鳳輦親巡古九河雨過農疇磨礪碌天津各屬潮來賈多有稻田

舶繫牂柯中興戰績從頭數第一津門聽凱歌咸豐三年粵賊

北犯惟津人首挫其鋒

侍郎仗節鎮關津愛我纏綿誼最真為念散才宜散地

故將閒事付閒人著書未定新經義載筆慙稱舊史臣

坐對青編翻自愧昔年斑管久生塵

願得寬閒一畝宮免教廡下歎飄蓬時與侍郎言功名欲移家就局

拌付毛錐子提舉聊充玉局翁雁爪偶然留異地緒肝

未免累羣公楮先生史劉昭志續筆還愁總未工

余著羣經平議三十五卷其第十四卷專論考工

記世室重屋明堂制度乙丑之春津門有好事者

取以付梓漫題其後

子雲本是雕蟲士歲晚飄零自著書獨抱遺經聊復爾

求知異世竟何如忽逢好事詢奇字遂使傳鈔到小胥

一卷刻成三歎息幾年辛苦費居諸

曾聞先哲議明堂匠氏遺文未及詳訂正全經惟一字

余據隋書宇文愷傳訂正考工記度量四角到中央九

房增益旁參漢五府規模上溯唐

昭代倘修宗祀禮芻蕘未敢獻巖廊

南旋

津沽小住已三年又駕飛輪海上船敢謂波濤仗忠信

祇愁兒女誤神仙時二兒在吳下大病又因明良朋尙

訂重來約謂地山故里曾無半畝田空賸雪泥蹤迹在

滄浪亭畔倍淒然余在吳舊寓金獅巷今已付劫灰矣

到金陵賦呈蕭毅伯李少荃同年前輩 鴻章

昔年聲望冠西清此日森嚴細柳營天爲中興出名世

人傳大勇屬儒生才兼將相空流輩手定東南荅

聖明青史千秋誰伯仲遠迨諸葛近文成

巍然五等列崇班功大何辭異數頒爵秩已超蒲穀上

旌麾更照梓桑間時署兩江總督金箱玉笈鈔三略紫電青霜

鎮百蠻兼領通商大臣儒雅英雄都占盡始知造物未曾慳

得向花甌步後塵雲泥雖隔總情親微名尙記前鄉貢

雅誼真同古大臣每念萍蹤詢細細每見甲辰同更憐

蕉夢嘆頻頻指余中州舊事卽今懷袖書猶在三載深藏翰墨

新

十幅蒲帆卸石頭節堂情話更綢繆師門衣鉢惟公繼

謂曾滌生師講舍皋比爲我畱轉惜書遙頻誤雁今年見寄兩書未到

不嫌舟小久停驂至小舟見訪坐談良久而去此來得識荊州面真

覺榮逾萬戶侯

題琴覓圖爲劉笏堂太守

汝璆

杭州太守今龔黃秋風五馬臨錢唐爰有圖書藏縹囊
愔愔者何琴一張嶽嶽者何覓一筐觀者瞠目不能識
拜請太守言其詳太守于是涕泣自陳吾何懷哉懷
我二人二人不可作我以丹青傳其神其神不可傳我
以琴覓存其真愔愔者琴吾父之所鼓角巾野服坐
閒軒三尺焦桐時一撫至今山水有清音趙瑟秦箏何
足數嶽嶽者覓吾母之所食貧家作婦數十年甘隤
腥醜口不識至今敬拜影堂前顛顛慈容惟菜色太

守言未已湖州民俞樾揖而致詞四竟望公有如慈父
母吾公肫肫尙似孩提時方今

天子重循吏要使海內蘇瘡痍豈知循吏卽孝子如曰
不信觀于斯側聞太守善教士四鄉有課自公始遂
令伏案伊唔聲一州八縣同時起武城弦歌何足擬彼
特區區一邑耳烏乎琴之遺音有如此又聞君夫人
扶病親入厨五日一見花豬肉乃止一百九十有二銖
此外公膳何所需黃齋一椀飯一盂烏乎覓之遺味有
是夫

余主講蘇州紫陽書院而孫琴西同年適亦主講

杭州之紫陽一時有庚戌兩紫陽之目戲作詩寄琴西

廿年得失共名場

余舊有贈琴西詩云廿載名場同得失謂丁酉甲辰庚戌三次同年也

今日東南兩紫陽亂後鬚眉都小異狂來旗鼓尙相當
主盟壇坫誰牛耳載酒江湖舊雁行寄語執經諸弟子
莫爭門戶苦參商

移居紫陽書院作

舊游過眼總雲煙又向吳中借一廛韓愈偶成進學解
屈原聊賦卜居篇高登壇坫雖非分暫寄琴書亦是緣
輸與興公清福好好山剛對講堂前

謂孫琴西

昔年曾此共壺觴三十年來半已忘忽向雪泥重問訊

劇憐泡影太恩忙

舊為吳氏屋道光十七年曾飲于其室

烏衣零落門庭

換銅狄摩挲感慨長賸有當時舊賓客天畱老眼看興

亡

姚松田舅氏乃吳氏舊客今年已七十尚在吳中

朱伯華孝廉

福榮

戴子高茂才

望

至吳下訪余因

畱度歲憶咸豐十年與二子在德清度歲又六年

矣各贈以詩

朱雲自奇士眉宇故軒昂舊是爽鳩屬新歌鳴鹿章縱

橫論世事宛轉話家常竹箭東南秀衰門與有光

小戴擅經術身窮道自尊尙書通大義論語闡微言

高子

時著古文尙
書述論語注
見起邱樊
脫略無邊幅
文章有本原
漢廷崇實學
終

憶昔清溪住
相依有二賢
而今客吳下
又其度殘年
欲識雪泥迹
姑畱翰墨緣
蘇臺重訪舊
莫忘此詩篇

丙寅春寄呈祁春圃相國

新聞引疾去
三公綠野優
游望更崇老
輩典型當代
少大儒出處
古人同

四朝黃髮稱
賢相一卷丹
書繫

聖衷他日甘
般懷舊學行
看執醬在蒿
宮

巢痕久掃鳳
池西十載風
塵厭鼓鼙蛇
蚓歛斜愁疥
壁

公得拙書裝
成軸縣之齋
壁

蟲魚瑣屑悔
災黎

公得余所刻
羣經平議甚
賞之

自惟

吾道今消歇
敢向時流問
品題海內起
衰誰鉅手門
牆

猶幸傍昌黎

荔枝

久聞嘉果出
南荒今日吳
中始一嘗

郭遠堂中丞
以十五枚見
贈

少

室玉膏輸潔
白嫌山甜雪
遜芬芳團團
入手同萍實
汨

汨生津異蔗
漿莫怪色香
都未變雙輪
三日走重洋
白

中附火輪船
至上海不過
三四日耳視
昔人紅塵一
騎更疾速也

客言二首

羣盜起中原
萬騎走平衍
奔騰若怒濤
飄忽如飛電
脫

兔不可當逐鹿誰能先 本朝重騎射家法今未變要
止與齊驅勝算何由擅茫茫皖豫間空費騾蹏跣有客
爲我言莫如用車戰前挽後則推進易退亦便重革禦
鋒鏑隻輪利旋轉其上設火器其下施弩箭耳目寄旗
鼓糗糧置囊帑環列卽爲營徐行卽爲殿畫作猛獸形
并使戎馬眩以此制敵騎或足當一面彼馬我則車何
必鬪鞞鞞

西人善製器火器尤其工奇巧奪般爾炎威借祝融我
聞佛郎機前代已見崇 本朝定天下頗亦資其功乃
自西人出巧力俱已窮卽能師其意未足爭其雄有客

爲我言莫如用水攻搏躍可過額視火尤洶洶安得制
奇器激水行於空或盛革爲囊或截竹爲筒或粗若牛
腰或曲如鳥籠要使行陣間若御千神龍非濤而澎湃
非雨而冥濛雖有霹靂車遇此應籠東彼火我則水何
必爭熾熾

題喬忠烈公畫像後

喬忠烈公名一琦字白圭上海人事迹見明史其友
王丁自邇曾從公于遼左歸而公死難自恨不得如南
雷輩與睢陽始終因手繪此像其後有董思翁跋楊
忠烈公漣贊今藏上海諸生徐順之豫家徐又得公

尺牘數紙名印一方卽附後焉余至上海因出以乞

詩詩曰

王旅興遼陽螳臂誰能當劉杜諸宿將一戰同時亡喬
公自奇士慷慨臨戎行全軍旣猿鶴與國俄參商謂朝
捐軀滴水厓歸葬惟冠裳江南有老友血淚可盈斗尺
素寫英姿歲時奠以酒方其下筆時慘淡經營久圖成
公復生真氣驚戶牖可使懦頑立可使魑魅走至今二
百年遺像猶儼然戎容何暨暨殺氣生雙顴固宜敵萬
夫辟易無能前又有公名印屈曲芝泥鮮又有公尺牘
筆勢紛連翩我來幸覩此再拜乃敢視其前思翁跋娟

娟秀而美其後楊公贊腕力直透紙願君寶此圖以示

後君子貂蟒而狝奔卽楊公贊中語對此愧欲死

尹節母黃孀人紡車圖爲其孫久叔整憲題

四十餘年一紡車更無心緒事鉛華老來自向兒曹說

歲歲車前紡杜花

回憶貧家作婦時艱難門戶費支持課兒未忍將機斷

寸寸都成續命絲

一粟孤燈黯不明紡車聲和讀書聲蟾宮他日科名記

都是當年手織成

至杭州與王補帆廉訪同游西湖舟中口占

清游又上總宜船自別西湖十六年不獨鬚眉吾老大
湖山亦似老于前

史忠正公祠墓圖爲其裔孫題

高塚梅花嶺行人再拜過荒阡重灑掃生氣未消磨遺
像清高甚家書涕淚多龔錢諸大老對此竟如何
南渡艱難日倉皇詔督師二陵半榛莽公集有祭二陵
畢上疏一篇
四鎮各旌麾慷慨復讐議淒涼絕命詞龍髯攀未逮自
恨一年遲

每讀公遺集當年事可嗟朝廷危似幕門戶亂如麻幸
相春燈艷君王暮氣加維揚城畔路辛苦建高牙

聖代旌忠典褒揚孰與儔遺書搜故府浮議掃千秋突
兀崇祠在淋漓

御墨留乾坤有正氣長爲護松楸

錢唐鄒蓉閣

在衡

哀次其家庚申辛酉閒死于王

事及婦女殉難者各爲歌詩以張之因題其後
粵氛流海內末劫在錢唐遂使衣冠族同時賦國殤
詔書褒節義廟貌薦蒸嘗之子悲家難中宵淚滿裳
淒涼陳舊德援筆不勝悲一卷忠臣錄千秋家廟碑楹
書同護惜壺史附昭垂從此清門澤流傳永不衰

丁卯五月至金陵謁湘鄉師相賦呈四律

武達文通孰與倫十年威望滿乾坤汾陽身繫安危重

潞國官兼將相尊萬里東南雙虎節兼謂介弟沅浦中丞兩江上

下一龍門不才自是閒桃李慚媿春風舊託根

回憶端門覆試時玉階鈿砌晝遲遲姓名謬許羣仙冠

文字曾叨一日知擊節樂天原草句沈吟小宋落花詩

至今春色終何在未免頽顏對絳帷余庚戌覆試公為閱卷大臣因詩有

花落春仍在句期許甚殷

閉戶研經春復秋心香一瓣奉高邨誰知沆瀣原同氣

從此名山或幸畱余治經宗高邨王侯制更張躬與舌氏之學適與公合

明堂考定廣兼修余考定射侯及明堂制尤為公所賞重煩記室諸君筆

幾度拈來幾度投

公得余書命記室作覆屢呈稿不稱意遂不發

門牆此日又追陪不負長途觸熱來高會西園成雅集

大開東閣閱奇才

公招集金陵諸名士觴余于節署

海上船因送客催公因余急于言歸飭上海輪船早日駛至自愧迂疏無可

報小詩聊足侑尊彝

李雨亭方伯王曉蓮龐省三兩觀察招陪湘鄉師

游妙相庵並登鼓樓

南朝四百寺滅沒不可見惟餘妙相庵歸若靈光殿相
侯發高興先期命張宴旖旎羅旌旄躩蹠走僚掾賤子
備後車冠服隨所便是時天新霽陰晴日數變既免炎

歌蒸不辭游覽徧泉流廣半畝石徑窄一綫老槐何離
奇新荷自婉變虛堂宜小坐傑閣足流眄北望有高樓
游興固未倦

酒罷共命駕命駕登高樓一層甫及上萬象俄已收努
力更躋攀空闊窮雙眸金陵名勝地天下無其儔自從
離亂來所在成荒邱十廟不存一古思空悠悠可憐秦
淮水不復聞清謳且喜甘雨足良苗滿田疇旣值中興
年復逢大有秋相侯此建節百廢行且修秋風儻再至
安坐涼蓬舟

錢子密吏部

時涼蓬子船久廢
湘鄉師擬復之

以其先文端公二圖索題各書

一絕句

自昔名臣多毋訓最難

聖主鑒勤劬一經

御筆畱題後不數機聲鐙影圖

右夜紡授經

雞鳴盥漱肅威儀正是銀臺入直時想見承平舊家法

至今尹吉有餘思

右直廬問寢

登太平門樓觀會沅浦中丞從龍脖子地道攻克

金陵處并讀湘鄉相公紀功碑

我登金陵東北之城樓其城雉堞猶新修城陰立石刻
文字誰與銘者相國毅勇侯文曰同治三年六月月旣

望穴地攻城城裂廿餘丈浙江巡撫臣荃鼓士從此上
嗚呼賊窟于此盈十年窮天下力僅克焉今觀缺口心
捐捐當時用力何其艱賊營高壘鍾山巔天保地保相
鉤連天保地保皆賊壘名我軍百戰據有此然後可得窺城堦下
令積草與城等以計誑賊賊不省若將蟻附此登城誰
料掘地深深幾及井一朝燦發煙滿城天日無色萬目
盲須臾煙散何所見但見萬夫如蟻山頭行俄展旌旗
四面下一片軍聲動屋瓦殺氣森森飛上天化作黑雲
如奔馬向張老死無成功九帥此舉真英雄沉浦中丞行九人稱
帥我從趙子詢大略自天保地保以下皆趙中興戰績
惠甫說趙曾親在行間

誰與同請看城外突兀龍脖子再看城中荒廢天王宮

奉陪湘鄉相公元武湖觀荷花

元武湖中麟趾洲藕花無數滿中流相侯旌節湖邊駐
來試瓜皮一葉舟

一葉舟容三兩人一篙容易點湖濱萬花成國香成海

仙到應迷是此津

田田荷葉比人長隨手搴來手亦香鋪作綠茵張作蓋

一身無處不清涼

青青蓮葯滿船邊隨摘隨嘗味更鮮自笑生無食肉相
故應飽喫後湖蓮

太平門外上輕舟神策門邊蘆荻稠花裏鑿行將十里

一生有幾此清游

是日出太平門進神策門

七洲風景看分明惜少臨流屋數楹倘置蓮花新博士

江湖莫忘老門生

相公擬于洲上築屋

贈彭麗崧

生甫

孝廉

彭孝廉乃陶文毅公之壻也文毅撫吳時孝廉為贅

壻後遷兩江總督復從之金陵陶沒遂不復來至今

垂三十年矣湘鄉相公其老友也因訪相公復來白

下余適客節署遂同晨夕俱坐威林密輪船至滬上

共寓南園已又于吳門相聚杯酒論文頗有忘年之

雅于其別也不能無詩輒以長歌詒之

老彭六十鬚眉白還向江南作遊客江南離亂十年餘

更共何人話疇昔疇昔陶公此建牙迢迢迎到壁人車

秋高鍾阜工延月春早隨園飽看花三十年來如飛電

人間何事堪畱戀已抱山邱華屋悲更驚城郭人民變

鐵馬金戈長板橋兔葵燕麥芳林苑湘鄉相國鎮金陵

歷盡艱難始中興天寶遺民仍矍鑠華胥舊夢已蒼騰

積垣一片天王府云是從前棲鳳處

偽天王府即舊此時兩江總督署此

日青燐化夜光當年紅豆調鸚鵡蕭郎白髮再經過那

禁風前淚如雨此外荒涼總不堪怕將舊事問何處清

歌無復秦淮水雅集惟宜妙相庵走也節堂同小住相逢傾蓋渾如故海船經宵臥對牀園林幾日游連步每因縱論到詩文更與窮經事箋注毫猶好學似君稀平議粗疏何足數時以拙著羣經平議相贈吳門杯酒送登舟垂老難將後約畱但願老彭長不老卅年再作江南游人今秋月色頗佳連夕人定後與內子起步中庭時亦復小飲率爾有作良宵不成寐與子步庭阿人定蛩吟起廊空月色多從前好風景強半梅蹉跎此夕一樽酒浮生能幾何
戊辰歲余自蘇州紫陽書院移主杭州詒經精舍

開課之日偶成二律

頻年蹤跡寄蘇臺此日西泠講舍開文字有終宜領取
琴書無恙又移來隨常粥飯完清俸大好湖山養散材
壇坫森嚴前輩在不才何幸得叨陪前輩謂王蘭泉孫淵如兩先生皆曾于此
湖隄精舍靜無譁虛擁皋比望轉奢六藝微言先詒訓
百年著述盛乾嘉舊畝課穫功難倖盤悅求工意或差
願與諸生同敏勉莫拋秋實事春華

會滌生師相過訪吳下寓廬賦呈一律

纔卜蝸居半畝寬時新移寓大倉口幸邀元老此盤桓書生門

第材官笑使相威儀婦孺看戶外飛揚駐旆旆坐中脫
略到衣冠明朝一棹從公去尙有江湖舊釣竿時招同作五湖

奉陪滌生師相登天平山

小隊籃輿駐道邊仰看山徑細盤旋何人曾躡二分足
此地纔容一綫天芒屨去尋青嶂路茶甌來試白雲泉
相公高興誰能及布襪青鞋到極巔山路盤曲而上曰綫天有僧廬三曰上白雲中白雲下白雲余與丁禹生中丞潘玉泉許緣伸兩觀察至中白雲而止師相則直至上白雲也

次日又從師相登香山而望太湖

閒介無蹊草滿山偶隨元老此躋攀全收笠澤五湖勝

遙指菰城一髮閒喜共清游謝冠蓋冀分餘曜照鄉關
煙波西塞山邊路安得相從更往還

丁禹生撫部與余言湘鄉相公嘗言俞蔭甫真讀
書人丁禹生真作官人余因憶去年見公金陵公
嘗言李少荅拌命作官俞蔭甫拌命著書余何人
斯而公輒與中興名臣相提並論雖非所克當然
未始不自喜也乃以小詩紀之

開府經綸滿江左元戎勲業動乾坤如何老學庵中客
籬鷄雲鵬一例論且言重九前至詒經精舍作時與丙子同寓精舍

之第一樓

浮家隨處好於此且句畱風雨重陽節湖山第一樓曉
鐘聽梵刹夜火認漁舟莫笑荒涼甚相依有鷺鷥

與丙子至冷泉亭小坐

平生耽冷趣不喜熱場踏愛此人境隔坐對山嵐市易
下泉瀏瀏襟邊風颯颯仰眺雲氣迷俯語水聲答老妻
亦解遊清興適與合久坐不忍去暮鐘吼鞦韆

飛來峯有洞曰一綫天山隙露天光一綫丙子窺
之於光中見佛像焉從遊者亦各有見獨余不見
其無佛緣歟抑目力之不及歟姑以詩記之待來

年再遊

石罅天光一綫通紺眉藕髮見玲瓏須知妙相莊嚴甚
卽在靈臺方寸中芥子須彌隨處足菩提明鏡本來空
自慙俗眼窺難得要借金鑿刮兩瞳

春在堂詩編六

已王編

春在堂詩編七

德清俞樾

已已春至詒經精舍適彭雪琴侍郎

玉麟

借湖樓

養疴一見如舊賦贈三律

廿載軍中夜枕戈欣看青鬢未全皤我

朝上將儒林出從古長江戰壘多玉帳牙旗鎮南國銅

琶鐵版和東坡

廟謨正重金湯寄那許林泉獨嘯歌

時有詔俟假滿後仍赴長江督辦

師水

大好湖山第一樓裘輕帶緩此句留子房謝病無官守

靈運游山有唱酬避俗怕通門外刺尋幽擬築水中洲

謂阮公啟臨淮開府來相訪不向花間擁八騶李小荃中丞止車騎於湧

金門外坐輕舟相訪

忝為西湖作主人遂教麋鹿識祥麟乍聞雄論心先壯

偶話師門意轉親謂湘鄉相公珍藥封頒憐病久芳樽手酌

見情真時承招飲且以余病肺饋之藥一樓甘讓元龍臥數點梅花萬

古春君因借仁余屬樓許畫梅花一幅相贈

潘少梅以小印一方見贈文曰西湖長賦詩謝之

南康荒圩三硬蘆余舊居德清東門外地名南

却舊菰蒲而今新署西湖長還是煙波一釣徒

游會稽山登其巔至香鑪峯佛閣小坐

會稽古防山職方列四鎮神禹計萬國玉帛此充初我

來問遺跡古事復誰證但驚山從龍曲折微有徑遙指

香鑪峯勃然鼓游興懸版為坐具搖搖不能定夾以兩

竹竿相倚為性命曲身坐其中尻低高者脛似玉山乘

權斯制或其賡舛行十餘里山勢抑何峻緣竿鮎直上

旋磨蟻徐進隘道不盈尺危崖那計切從者咸已疲稍

稍息石磴雙峯兀然立如戶左右墜游人俯首入猶懼

上觸顛于此構精廬小坐亦自勝憑欄一俯視鑑湖小

于鏡劃然發長嘯定有飛仙聽

謁大禹陵因游禹寺觀唐開成五年往生碑

碑皆真書文云唐開成五年歲次庚申皇帝昇極是
歲夏五月會稽禹寺請元英法師講金剛經于餘姚
平原精舍會次募一千二百五十人結九品往生社
英公學我真教挹其遺蹤施有等差階陳九品旁求
貞石書其姓字云云其下列一品至九品人名氏此
碑道光二十年寺僧鉏地所得徐鐵孫太守移樹殿
中自來金石家所未著錄余得見之因張以詩
我來謁禹陵因得游禹寺禹寺止三楹索然了無致前
後徧流覽有碑壁閒置拂拭去塵灰稍稍能辨字碑額

題往生碑文記其事唐開成五年皇帝初卽位

是年文宗崩武

宗卽位元英大法師來講金剛義大衆環而聽人人得其

意惟以愚智殊不無淺深異英公善知識有教豈無類
區分爲九品高下大軒輕遂乃磨貞石承之以巖巖備
載千餘人男女相襍廁謂可生淨土不致見擯棄詎知
武宗立力排象教僞佛寺盡毀除此碑轉爲累定知九
品人相對各心悸沈埋付泥土誅求免官吏是何數千
年碑又出其地坐惜蚩蚩氓作事等兒戲以此求西方
往生庸可冀獨念歲月久碑文尙完備事體頗樸茂不
等俗書媚自來金石家未此一置議我來得捫讀悠然

生古思勿云事荒誕古碑得豈易倘搨萬本歸于鑑定
不啻

游蘭亭有懷彭雪琴侍郎作歌寄之

蘭亭勝地理荆棘修竹清泉難復識欲還舊觀永和年
百萬金錢問誰出侍郎慨解囊中裝千秋名迹期無荒
流傳豪舉徧浙水誰識深情屬渭陽深情脈脈安能已
記得外家家在此傳來清望本山陰譜出華宗是王氏
王氏青箱不復存此來欲訪已無門空留宗派書家祖
難問雲仍異代孫昔賢觴咏今誰嗣到此低徊不能置
搯土稍供一日資望雲更觸無窮思侍郎有望
雲思親圖英雄至

性果然真不負之江來問津愧我羊曇憔悴甚墓門展

拜更傷神

時余至上虞展舅氏姚平泉廣文
之墓并以舅母黃孺人附葬焉

雲棲理安紀游各一首

籃輿至雲棲夾路盡修竹身入綠雲中不識有炎燠僧
言今所存不及昔五六曩者不見天但見一片綠聞言
感今昔盛衰若轉轂不恨我來遲轉悔我來速再隔三
十年舊觀儻可復
我游理安寺因觀法雨泉泉從巖石出不雨聲濺濺其
中有泉龍四足五爪全兩三自成隊游泳殊悠然勿云
泉水小愛此清且漣何必乘風雲辛苦飛上天

泉水三潭印月新築精舍頗有致偶乘扁舟往游作此
西湖三十里中有湖中湖漱澹一明鏡築土爲之郭石
梁盼南北曲如蟻走珠兩旁植菡萏四面生菰蒲精舍
五六間小坐亦足娛何必三神山蓬萊與方壺遙指蘆
葦閒隙地倘許租願言此築屋來作耕田夫其中有
歸許氏女生外孫女其伯祖信臣撫部名之曰引
官余讀白香山集有談氏外孫女孩滿月詩亦名
引珠戲作一詩

也向懷中抱引珠

次韵贈徐誠庵

論交文字卅年多

余年十六與君同入縣學

又向吳中其嘯歌旖旎

詞腸將化蝶峻嶒傲骨願爲鷺歡場春去渾無迹宦海

風來便有波眼底升沈君莫問且看寒月上藤蘿

庚午春余浮海至福州見香巖制府

英桂

爲言咸

豐八年以河南巡撫入覲

文宗顯皇帝召見語及臣樾有寫作俱佳人頗聰明之

論是時樾去官久矣何意微末姓名猶挂

天口感激流涕敬記以詩

廿年春夢付黃梁掃盡巢痕在玉堂忽向天涯逢舊雨
更從海國話

先皇朽株枯木臣何有墜履遺簪

帝末忘聽取從容

天語好風前哀淚幾沾裳

見說紅雲拜

九重

玉音親聽殿西東韓翃詩句聞天上蘇軾才名歎禁中

青史好傳宣室語白頭空抱鼎湖弓敢云報

國文章在才盡江淹百不工

今日雨夜呈王甫兄

一穗孤燈淡欲消臥聞浙瀝響芭蕉聯牀記聽春明雨
十八年來又此宵

游閩越王廟

無諸王閩越開國自漢初廟食此閩土祀典良非誣我
來一瞻拜古氣盈眉頰王右夫人左漢制其然乎上有
釣龍泉甘冽宜酪奴云是王遺跡千載猶未枯獨怪配
食者稽之史策無閩俗固好鬼未免同覲巫我思騶氏
裔具見班馬書若郢若餘善均以叛漢誅俎豆所不及
請更徵其餘曰丑曰居股論功初無殊曰敖曰吳陽亦

能保令圖各各受漢封食稅而衣租丑封越繇王居股封侯吳陽封侯石侯以此列兩廡庶幾德不孤奈何秩祀事不封侯石侯詢通儒巍巍射鱗王適足資胡盧吾言倘可采敬告士大夫大夫泉甘來一余閩中之行爲敬問太恭人起居而弟兄聚首無窮朋舊言歡一月旬雷殊苦其遽因將還浙開精舍課卽附海船言旋舟中得詩五首

榕城煙樹望參差五日颺輪海上馳聊慰北堂萱草意不爭南國荔枝時一家骨肉分離久十載烽煙定省虧今日萊衣重下拜但求鶴髮到期頤

春草池塘夢久荒弟兄風雨又聯牀兒曹乍聽鄉音改老態旋看鬢髮蒼亂後艱難問朋舊鑑前談笑其壺觴莫嫌拙宦蕭條甚眼底榮枯早坐忘萬言賦海媿無才且向閩中攬勝來番舶聯翩仍古步耿莊零落賸荒苔耿莊乃耿精忠別業英風近挹無諸廟古篆遙尋般若臺惜未鼓山同蠟屐虛看晴翠落尊罍飲于臬東軒望見鼓山亦閩中勝地惜未及遊故人幾輩擁旌旄笑我爰居偶此巢珍重綈袍尋舊約謂英香巖制府潘偉如廉訪傅星源觀察諸君伯裕澤生頻煩縞帶訂新交謂卞頌臣中丞鄧雙坡方觀察諸君一編快覩歐公錄魏稼孫以所著金石萃編校文見示十里香

聞段相庖余寓南臺距城十里城中頗有餽肴核者祇惜輶軒歸尚早謂同年邵

泮生學使論文孤負酒盈胞

暖寒屢換客中衾一月句留春已深海外波濤仗忠信

余如閩所坐飛星輪船其還也觸石而沈天南節候變晴陰憐才已負

先皇意憶遠還縈慈母心回首虎門高突兀幾回悵望

幾沈吟

籃輿入山游香山洞紫雲洞金鼓洞而紫雲尤深

遂紀之以詩

平生喜游覽所苦力不足不能登山顛且自入山腹怪哉紫雲洞天然一石屋規圓而砥平不知誰所築中間

路逼仄取徑繚以曲仰觀石崢嶸俯首猶懼觸深入忽開朗驚飛幾蝙蝠泉合一掬清天逗半規緣僧言此銷夏不知有三伏靈運登石門李愿隱盤谷古來稱勝地視之亦何愿願言謝人事來此友麋鹿

自天竺踰棋盤嶺上下各三里有僧寺可小坐

山頂一屠蘇山僧自不孤雲煙無供養寺無檀施以襟

帶有江湖西湖在東錢唐江在南且采雨前茗休尋山下途九谿

十八澗游處總模糊寺僧以龍井茶供客問以

法相寺瞻禮長耳和尚真身

長耳和尚死不僵真身猶在山中藏被髮鼻羊滿山走

驚見真身又疑否揮之以刀斷其手怪哉白骨乃不白
 一千餘年化為石其色黝然更潤澤粵賊之亂斷其右手因見其骨骨色
紫嗚呼女媧搏土無休時鼠肝蟲臂誰能知堯舜周孔
 化灰去獨留委蛻將奚為其中自有不壞者故能歷劫
 長如斯世人革囊苦愛惜鮑魚鱉臭秦皇屍

病中偶成

蒲柳衰姿強自持偶然一病遂難支只慙不及香山叟
 未足安閒好病時

千里求書絡繹來病中腕力苦衰頽案頭不是鸞溪絹
 難與先生作鞵材安徽福建均有來乞書者

熏風微逗碧窗紗長日遲遲未易斜睡起蕭然無一事

惠山泉試六安茶丁禹生中丞餽惠泉水勒少仲同年贈六安茶葉

枯盡江花百不工年來久已謝雕蟲韓碑柳雅諸公事

莫向江湖問長翁許星叔屬撰進方略表文二通余筆墨疏慵謹謝之

以所蓄病鷹縱之孤山之麓以詩五韵送之

昔人放鶴處鶴唳不堪聽賸有危亭在亭前山白青我
 今憐爾病縱爾入青冥雲路招新侶巖阿養舊翎寂寥
 千載後誰築放鷹亭

張仲甫先生應昌行年八十有一重賦鹿鳴詩以

賀之

鳴鹿聲中共舉杯蒼顏鶴髮未衰頽回思六十年前事
會博

先皇欣慰來

君舉于鄉之歲適尊甫中丞公撫
闕以疏謝仁廟手批欣慰

京國歸來下澤車階前紅藥近何如須知不負科名處

自有名山百卷書

君曾官內閣中
書撰述甚富

偶然示疾等維摩懶共羣仙詠大羅空向青雲街上看

不會看見老東坡

宴日君以
病不能赴

自從小劫遇紅羊雅坵騷壇處處荒何幸頻羅庵主後

歸然又見魯靈光

吾浙重賦鹿鳴者梁山
舟先生之後直至先生

題趙忠節同年遺墨後

忠節名景賢字竹生余甲辰之歲與同舉於鄉者也

咸豐末年東南淪陷君堅守湖州城卒死于賊其從

孫鏞以遺墨一冊見示因題其後

昔年颯爽見英姿今對遺編恍遇之蟻子蚍蜉無外援

翰窮麥麩有微詞

在危城中帛書
六幅多隱語

枕戈越石心空壯聞

笛唯陽氣不衰他日菰城重艤棹表忠何處拜崇祠

呂建專祠
至今未成

五十初度偶成

百歲光陰本有涯蹉跎過半亦堪嗟紅塵易老凌霄鶴
白日難留赴壑蛇仕宦恩恩渾似夢詩文草草未成家

病餘已覺衰羸甚餐飯朝來強自加

往事雲煙付太虛且將閒筆寫閒居詞林剛滿十科外

著述新成百卷餘老母尚能看細字嬌孫已解讀村書

自知雅抱屯遭骨莫向人閒歎不如

西湖精舍儘盤桓占得湖樓一面寬高弟疊攀天上桂

活計毛錐子山長頭銜白版官慙媿

先皇垂念厚每思

天語總沈瀾

樾免官歲餘

文廟尚垂問及樾有

諭今年至閩聞

之香巖制

寫作俱佳人頗聰明之

府英桂

積唐無分到公卿聊復安排身後名海外流傳兩平議

余所著羣經平議諸子平議

日本國行賈請印三十部去

試彈冠味

時兒子紹萊署大名同知

老我全消伏櫪情回首烏巾山

色好擬營壽藏傍先塋

不須辛苦較雲泥離鷄飛翔未是低破硯祖孫同食報

家有先祖南莊府君遺硯一方

惜亂後失之

前年

余用之亦近廿年

名山夫婦共留題

與內

子游飛來峯題名山穴今年

傳肄業生陳桂舟磨崖刻之

求書客至羊堪換問字人

來酒定攜却厭稱觴沿俗例扁舟乘興到梁溪

嘉平二日也是日乘舟至無錫擬游惠山因風大

不果登正如昔人剡溪之行興盡而反矣

自笑迂疏百不如廿年文字耗居諸山妻苦勸宜調氣
慈母傳言戒著書其奈叢殘餘稿在豈容拉襍付焚如
篋中寫定成新本鐙下傳鈔到小胥大好湖山樓弟一
後人儻識子雲居

拙政園歌

張子青同年前輩開府三吳駐節拙政園承詢斯園
故事因作長歌詒之

銷烽息燧東南定定後東南非昔盛鸚坊鶴市半荒蕪
吳下名園惟拙政名園拙政冠三吳遠溯前明創造初
驄馬王公新小宅衡山待詔舊留圖園始明代王御史
獻臣文衡山有拙

政園記

并圖 招代龍興開甲第海昌別墅人猶記泉石無

端籍縣官流傳更屬平南堦國初為海昌相國別業籍
設後曾為吳三桂女婿王

承甯邸舍百年依舊此樓臺三徑重為蔣詡開吳三桂敗後
此園曾為糧

道署其後復為郡人蔣誦先所得因易名復園有復園嘉會圖見說復園盛游宴屢招

名士共尊罍是時正在乾嘉際吳會承平多勝事頭白

尚書訪舊來風流大令看花至沈歸愚尚書即圖中人
之一袁子才大令亦屢

至是 自古園林有廢興又聞風月屬延陵春風秋月游

人口只解吳園兩字稱吳園花木還稠疊水竹平分王

與葉後為武林吳氏所得是稱吳
園其左右割為王葉兩園王葉園中半綠蕪不

及吳園盛蜂蝶癡蜂醉蝶弄芳菲忽見漫空妖鳥飛淨

洗腥臙消戰血重看金鼓建牙旗牙旗暫駐仍蕭瑟欣
遇安昌來建節瓊鋪珠箔奉慈輿水閣風簾停宦轍我
幸園中一再游聊將往事數從頭作歌媿乏梅村筆莫
問茶花如舊不尚書蘇州府學有宋紹熙間同年疇倡詩石刻首倡者
袁說友和之者張體仁成欽亮章澥唐子壽玉藝
陳德明周承勛胡元功趙彥衛趙彥瑗趙彥真碑
額分書同年疇倡四字蓋諸君皆同年也前有范
石湖序頗足見宋時同年之重余卽用其韻賦一
詩索諸同年和非敢尸執牛耳竊願依附驥旄云

爾

芙蓉鏡下久睽違落落晨星比昔稀豈以雲泥今隔絕
遂忘蒲裊舊因依翺翔霄漢誰先路憔悴江湖已夕暉
記否鷓鴣初振翼煙波鷗鷺也同飛

會滌生師相賜題拙著羣經平議諸子平議後五
言詩一章次韵奉謝

當代有汾陽勳名兩卓絕手定常羊維金甌永無缺福
星照東吳一再停宦轍猶憶昔年秋秣陵曾送別何幸
旌旆來又當葭莢揭父老拜清塵兒童誦英烈江左管
夷吾斗南狄仁傑懋也賤且窮嶺雲只自悅不辭飯甑

塵長守硯田鐵古訓粗有聞積習舊曾結暑夕尚焚膏
嚴晨還映雪珠船得一義鐵撻忘三折高郵有巨儒卓
犖邁前哲謂王懷祖先生及其子文簡公雄辯掃荆榛奧義啟肩鏑微
言曲羽翎快論直項頡與共騁康莊未免憂蹉跌偏伍
偶彌縫竿旄聊取節譬之行潦水不足供酌醲吾師今
南豐幽隱恣搜抉玉帛會岐山姑容置茅菴贈以一篇
詩轉使我心憒朽質感彫鏤陳編慙盜竊惟當書萬本
終身誦不輟

附原作

聖祖曠千禩微言八歌絕六籍出燔餘諸老抱殘缺

尚稷故訓存歷世循舊轍從宋洎有明軌涂稍歧別
皇朝褒四術眾賢互標揭顧闓啟前旌江戴紹休烈
迭興段與錢王氏尤奇傑大儒起淮海父子相研悅
謂高郵王懷祖先生念孫及其子文簡公引之子史及羣經立訓堅於鐵審
音明假借王氏精於古音謂字義多從音生課虛釋
臧結王氏每於句調相同者取彼釋此謂之句旁證
通百泉清辭皎初雪王氏立訓必有確據每譏昔人
其反復證明乃通者必曲暢其說使人易曉九原如有知前聖應心折俞
君一何偉奎步追曩哲盡發高郵奧擔囊破其鐫君
昔趨承明鳳鸞與頡頏軺車騁嵩洛康衢誤一跌子

雲宦不達草元更折節文囿芟天葩經神供清醮
言頗舐排諸子亦梳抉復從羣賢後森然立綿蕪嗟
余老無成撫衷恒惛惛悶才不薦達高位徒久竊茲
編落吾手吟覽安可輟

壬申春日自杭州至福甯襍詩

雲山南望路迢迢却好風光轉柳條多謝蘭溪賢令尹

綠波春水放蘭橈蘭溪令吳煥卿余門下士也知余有福甯之行具舟來迎

記客新安五載餘江干歲歲費舟車富春山色桐江水

算理多年未讀書余從前客授新安歲一往還必由錢唐江湖流而上

舟窗閒坐倚雕櫺兩岸煙巒似舊青料得山靈還識我

重來只少一奴星奴子孫福乃昔年從余往返新安者後以老乞歸庚辛之亂不知所終

指點西臺又釣臺客星樓上暫徘徊祠前一十七回過

來見先生第一回七里瀧謁嚴先生祠從前十七度過此均未一登也

姊妹花開傍畫欄虛煩翠袖進龍團那知據案村夫子

正取周官六典看時攜周禮注疏於舟中讀之取其委曲絲重足以消磨客況也

廿載論文舊友生此來快聽好官聲從知吏治無他異

只與文章一樣清舟至蘭溪吳煥卿大令來迎煥卿從學於余余極賞其文氣之清及成進士以知縣來浙余語李小荃撫部曰此君作令必佳

公問故余曰昔見其文氣甚清卜其作令必了了也

玉座荒涼異昔時蘭溪城外偃王祠何當更訪陵山廟

手搨昌黎半段碑蘭溪城外有徐偃王廟昔曾游焉今傾圮過半矣或言龍游陵山偃王廟

有韓文公碑尚存半段余昔過龍游未之知也以詩紀之行且託人往訪

自過金華灘轉高篙師撐折萬張篙西津橋畔重回首

辛苦輕舟壓怒濤西津橋在永康城外

何處芙蓉五朵峰入山便與畫圖同籃輿不走紅塵路

只在泉聲山色中永康有五峰之勝昔人詩所謂分明

壘亦莫辨何者為五峰矣

試從木末一登臨綠柳紅桃徧水潄畢竟南來春信早

春分未過已春深

陽冰舊治在山鄉名蹟流傳頗未荒道左豐碑丞相墓

嶺頭桓表狀元坊縉雲城外有宋丞相格庵趙公神道碑惜未訪其名嶺上有狀元坊為明

狀元詹駿建其嶺即以狀元名

桃花高嶺路灣環曲曲溪流面面山松竹叢中一條路

行人都在翠微閒

纔經半嶺日將斜漢壽祠前且啜茶却喜縣官能解事

課民嶺畔種桃花桃花嶺本無桃花道光間縉雲令熊君種桃萬樹以副其名亂後斬伐殆

盡今縣令徐君又議補種之

馮公嶺上却金館見說前人此却金重疊紅箋書吉語

碑頭姓氏費搜尋馮公嶺上有屋一區顏曰卻金館有碑云江右何公卻金處萬歷十五年

胡緒蔡廷臣喻均立石而館當孔道為冠蓋往來休息之所碑又居門外正中適當樹塞門之處有司供張者

貼紅箋書吉語於其上字跡遂為所掩余命從者層層揭去始得見之

青山回望尚嵯峨又挂蒲帆走廈河舴舴舳舻原一例

不嫌舟更小於梭廈河在處州城外有兩種船曰漁船曰梭船余所坐乃梭船也

石門洞口雨中過雨後山光翠更多行到巖前看瀑布

直從天半瀉銀河

山中誠意舊儒宮婦豎能談佐命功我向堂前拜遺像

旗峰西矗鼓峰東石門洞為劉伯溫先生讀書處遺像尚存曰旗曰鼓乃其左右峰也

故人仗節鎮東甌小別西湖又幾秋今夕且園一尊酒

從頭聽話雁山游溫州見方子穎觀察共飯於其署中之且園縱談至夜分并示雁山游草

卷一

更煩高會集羣賢特為征人啟別筵領略怡園好風景

不辭半日此留連

方子穎觀察裕昭甫太守陳友三大令饒余於曾氏之怡園園有花木泉

石亦東甌一勝地也

華蓋山頭暮色催肩輿草草出城隈如何好事諸君子

肯逐康成車後來余將發溫州有徐君杏汀至逆旅來見又有陳君仲珊至旅舍而余已發

遂追及之於舟因紀以詩藉存一日之雅

飛雲渡口水茫茫歷歷風帆海外檣江面亂流行十里

依稀風景似錢唐

平橋曲水路紆徐一葉輕舟載筍輿沿路飽看南雁蕩

濃青淺黛染襟裾自平陽坐小舟行三十里至錢倉一路山色甚佳層巒疊嶂應接不暇蓋

卽所謂南雁蕩矣

榕樹陰中曲曲隄直從蕭渡到琳溪瓜皮艇子沿隄去
未礙溪橋三尺低

山溪行盡又山岡且喜松篁夾路長想見山中生計足
高高下下菜花黃

嶺上巖巖分水關令人回首故鄉山歸途儻踐山靈約

雁蕩天台咫尺閒余此行因急於至閩省視老母起居未及迂道一探天台雁蕩之勝方子

穎觀察訂歸途游雁蕩并願為雁蕩作主人然余又急於回杭補行詰經之課未必能如約也分水關乃閩浙分界處

榕城開府親家翁此去偏慳一笑同今日入

訓詞忠厚古人風閩撫王補帆余同年生又親家翁也此行往返恩惠未及至榕城相訪自

入分水關於半嶺塘見君教令四條皆六言約語勸其士民以敦品勵學息訟止爭知君用意良厚也

自為衰親千里來敢煩地主具尊罍白琳多謝黃明府

洗我征塵酒一杯余以定省來閩故行甚速過福鼎縣未及少留也而縣令黃星槎明府使

人候於白琳逆旅中治具豐腆意甚媿之

五蒲大小盡躋攀又度崎嶇六六灣見說武夷山九曲

此行四入武夷山大五蒲小五蒲均嶺名也自此至蔣洋山形繚曲故有三十六灣之名矣

四山雲氣已模糊旋覺陰霾一掃無若比當年衡嶽例

鰾生何敢望韓蘇是日初登車雲氣迷濛及上五蒲嶺已有微雨余因其日所經多高嶺深

以雨行為憂默禱於神旋即開霽晴日杲杲蓋神佛之祐也

石壁嶙峋高插天大王嶺在萬峰巔明朝更度觀音嶺

歷盡危途仗佛憐

入霞浦境嶺路尤峻而大王嶺及觀音嶺為最

天梯回望倚雲根水復山重不可論却羨阿兄來領郡

萬山深處一官尊

天梯亦嶺名度天梯嶺即福甯府矣

水陸舟車一月忙征衫又此拜高堂修書先報老萊婦

為說慈闈壽且康

余行抵琳溪壬甫兄使人來迎詢知老親康健即馳書報內子知之

三月三日壬甫兄招同羅景山總戎張小舫太守

讌集於望海樓即席有作

龍首巖巖氣象雄

龍首山名樓在其麓

危樓高踞梵王宮簷前海

水平於席檻下山城曲似弓

俯視郡城了了在目其形橢圓而曲剛好重

三逢禊日不辭一再醉春風

小舫約次日仍集於此何當更訪芙蓉

蓉院殘碣摩挲夕照中

明同知趙廷松於龍首山麓建亭曰芙蓉別院并刻芙蓉臺三字

字於石上今求之未得

福甯襍詩

山城雖小郡齋寬花影重重映畫欄白髮衰親扶杖出

滿園紅紫盡承歡

買山歸隱尚難圖杯酒清談亦足娛偷得仙家丹鼎法

齋廚日日學蒸壺

壬甫兄喜飲每夕必具尊酒與余共之余過武林有授余煮神仙鴨法者

至閩以語兄試之良佳

榕樹陰濃春日長扶疏弱柳又新篁試從木末疑眸望

遙見山中石澗堂

署後為龍首山山上有屋一區以千里鏡視之見額署石澗堂三字

後圃荒涼藜藿高何煩頑鐵鎮波濤想因城與舟形似

故鑄神鉤鎖巨鼇

署後廢圃有大鐵鑄二不知所用或云城形如舟以此鎮之

何處僧爐石鼓圓何時移置郡齋前遷流本末無從考

字跡分明至正年

三堂門外有石鼓二其右一鼓刻云至正五年歲在乙酉常住誌

石上留傳梵字形不辭搜剔到荒庭伏盧書古無人識

一任苔痕歲歲青

署右幕賓屋庭石有字跡不可識王甫兄曰此梵字也

高枕山岡望海樓海山勝概已全收岳陽仙蹟無多讓

記取先生兩度游

望海樓樓不甚高而可望海亦郡中勝處也惜僻處山鄉其名不著余

此來兩醉其上故以詩張之

使者轡軒此往還論文餘暇即看山所嫌白鶴峯頭路

絕頂無緣得其攀

孫萊山學使適按試福甯試畢相見以登白鶴嶺望海詩見示

將軍束髮早從戎此日山城閒挂弓示我一編思痛錄

廿年辛苦戰爭中

羅景山總戎以所著思痛錄索序即其所定年譜也粵賊之亂君無役不

與故敘述甚詳

海色山光逼畫櫺何殊觴詠在蘭亭無端忽隕風前涕

一月前頭落大星

三月四日讌集望海樓適聞曾文正師於二月四日薨逝為之泣然

閩嶠崎嶇不易行未能乘興到榕城溫麻小住忽忽返

姑負羣公懸榻情

潘偉如方伯勸余留居閩中託萊山學使致意王補帆中丞又擬以輕輿

送余至省城小聚數日其意拳拳皆可感也

一編志乘擬重修名迹端宜細訪求太姥奇峰三十六

再來儻許此探幽

王甫兄擬重修郡志

自福甯還杭州襍詩

籃輿安穩發溫麻一月句留未覺賒却好首塗逢穀雨
家家門外曬新茶

村社荒涼起暮煙叢祠未識始何年自從臨水夫人外

又向山中拜馬仙

閩中多臨水夫人廟考吳任臣十國春秋陳守元女弟陳靖姑有道術曾

誅白蛇妖聞主麟封為順懿夫人殆即其人也余又於

山中見馬仙娘廟求之郡志則有二人一云溫麻里馬氏女一云江南人女隨父

宦來閩二者未詳孰是隨意尋幽向水涯偶逢古蹟倍咨嗟鶴窠橋畔人煙少

何處宣和進士家

平陽有鶴窠橋刻石云宋宣和進士陳彥才建

輕舟卅里到羅陽道是山鄉又水鄉流水小橋無限好

不知何故著豺狼自平陽至瑞安有豺狼橋不知何以被斯名也

幾處秧鋤尚未稠紅雲一片壓青疇山中生計年來異

罌粟花開當麥秋平陽瑞安山中多種罌粟花者雖於種稻無妨而於種麥有害亦民食之

一蠹也瑞安學士最依依夜雨留賓靜掩扉杯酒清談偏有味

黃花魚小墨魚肥

過瑞安訪孫葉田前輩留余小酌清談甚樂二魚皆席間所饌也

逆旅平添半日忙淋漓殘墨滿匡牀東坡正苦食無肉

可許屠門去換羊

溫州旅舍中求書者屢至薄暮未休時天氣鬱蒸行厨中魚餒而肉敗故

有此戲語

館人留客頗恂恂生本儒門意自親贈我羅陽詩四卷

始知巖邑有詩人逆旅主人董盼字子幹以其先德震

泰順一邑自前明至近人所作之詩也先生名榜即泰

順人所著太霞山館詩文遺稿甚多聞存藁田前輩處

蜃江來去太駸駸若問游蹤媿轉深不獨雁山游未果

江心孤嶼欠登臨溫州城北有江心寺即謝康樂詩所

石門洞口再探奇且喜登山得導師涎玉沫珠曾領略

此來備讀謝公詩舟過石門洞因再游焉有林君宋齋

觀諸因得見石刻謝康樂詩前游僅

風風雨雨桃花嶺萬壑千巖何處藏始信黃山雲海說

白雲真似海茫茫

禱雨碑文李少溫宣和傳刻至今存不辭百級登臨瘁

親訪神祠藏碣軒縉雲縣城隍廟在山上歷百餘級乃

末一字泐矣前縉雲令徐君熾烈

字赤木築室度之署曰藏碣軒

予陵臺在暮雲端兩岸青山已飽看安得於潛問遺老

更尋石室古嚴灘水經漸江水篇云又東南流逕桐廬

嚴陵瀨瀨注云山下有石室嚴子陵之所居也今石室

無考而經云自縣至於潛則與今水道亦不合疑漢魏

春歸我亦賦言旋兩月光陰路幾千却好往還皆廿七

一舟依舊宿江邊余之往也於正月二十七宿江千舟

宿江干舟次明日登岸亦一奇也二十八立夏春歸我亦歸矣

同年應敏齋寶時曾官蘇松太倉兵備道駐上海有善政其遷臬使而去也上海人圖其所行事凡十有二為歌詩以獻余為題其後

滬上彈丸地安危大局存東南一樞紐旋轉此乾坤舉動關中外推行見本原謳歌空滿耳辛苦與誰言

吳中重修唐六如居士桃花仙館并祀子尚金公公名綱嘉興人明初為蘇郡守因請減賦得罪而死者也為賦四絕句紀其事

胥口難招月夜魂月明胥口一簑煙六如句也風流文采至今存盲

翁負鼓沿街唱不唱中郎唱解元唐詞多唱唐解元者

重將祠墓訪圖經三百年來夢墨亭仙館桃花還似舊

草堂何處問懷星懷星堂乃祝京兆所居今不可考京兆與文待詔並祀六如居士祠

吳申才子自聯翩更念蘇州太守賢歎息後人論成敗

梨園止演況青天昔善說則於此風融融於心德文定

俎豆從今配六如名臣名士兩相於知公泉平心無恨

得讀三吳滅賦書同治初詔滅江浙賦當事者刻其全案成書

沈仲復觀察與嚴少藍夫人伉儷均能詩仲復在京師得一異石文理自然成魚形剖而琢之為三硯硯

各一魚夫婦分用之名曰鰈硯卽以顏其所居室張
子青前輩爲之圖余賦是詩
何年東海魚化作一拳石天爲賢梁孟產此雙合璧琢
之爲兩硯珍重壓瑤碧無管不齊飛有箋必同劈春波
滑其洗冬宵寒互炙遂以顏其廬光采昭楹碣嗟余注
蟲魚鮒鮪舊曾覈著書鵠眼枯仰屋蝸廬窄心豔文字
福手展瓊瑤冊題詩寄隱侯兼呈藐姑射
秋鐙課詩圖爲王穉甫孝廉禹堂賦
孝廉母盧孺人能詩在室時聞所許嫁王君菊人因
父老廢書而買心不樂故其課子詩有云茅屋數椽

鐙一點吾家喜有讀書兒蓋失望於前而欲取償於
後也及穉甫舉於鄉則孺人下世久矣乃取詩意繪
圖徵詩余爲題五韵

茅屋一鐙小當年自課詩辛勤此賢母款曲語嬌兒盼
汝成名早償余宿願癡如何攀桂日非復樹萱時異日
瀧岡表無忘陟屺思

次韵答江子平孝廉珍楹卽送其還德清
新詩一讀一嗟吁柰此齊廷三百竽磊落多才誰及子
游揚無力轉慙吾文章聲價年來賤風雪歸舟水次呼
大好餘不溪畔屋相期稼圃共樊須

彭雪琴侍郎過蘇州見訪卽送其至西湖詰經精舍度歲次春初所贈詩韵

謝病歸來未息肩長江歲歲復年年拜兵部侍郎二十日卽謝病仍被

命每歲巡視長江水師一次船中家計惟漁具袖裏軍符有豹篇乍

向

殿前辭節鉞朝議欲以公督兩江力辭之便來湖上作神仙知公心

迹俱清絕何必空山更坐禪公每欲寄楊僧廬

借得西冷地數筵欣然來試虎跑泉湖山風雪時三九

楚越關河路八千公擬二三月中溯江而上巡視水師至次年復沿江而下仍至西湖度歲

每二歲一往還笑我小樓難獨據附公奇迹或同傳一編金石

徵交誼認取題籤字似拳時以馮氏雲鵬金石索十二卷見贈手自署檢

竹樵中丞恩錫饋臘八粥

軍將打門急擎來玉盃豐今朝臘八日故事米雙弓香溢盤盂外甘留齒頰中晨寒欣一飽董粥勝坡公

益盤盂收甘留鹵敵中曷寒烟一箇董穰繼吳公

軍報門門急攀來王盤豐今時鄉人口站事米雙巨香

竹蘇中丞

卷長銀玉自置銀五百

癸丁編

春在堂詩編八

德清俞樾

癸酉季春楊石泉中丞招同彭雪琴侍郎至雲棲
作竟日之游詩以紀之

朝暎紅上蘇公隄籃輿昇我遊雲棲湘鄉中丞雅好客
欲陪鸞鳳招鳧鷖湘美楚酪行廚齋伊蒲精饌營閭黎
衣冠脫略謝拘束且喜昨雨今朝霽老彭雖老興不低
酒酣吐氣凌雲霓左手持杯右握管六章詩抵千牟尼
侍郎即席 賦詩六章 忽然感舊心慘悽十年辛苦提征鼙青旗一
片蔽江下小姑山上親雷題 十萬大軍齊唱凱彭郎奪
得小姑還侍郎舊題小姑



山句也侍郎在
軍中張青幟

崎嶇百戰江東西江中妖霧消鯨鯢同

時將佐半生死彭郎玉貌今成鷺已矣舊夢休重提尊

前一醉拚如泥更扶殘醉下山去夕陽剛照前山溪紅

躑躅花紅滿蹊森森綠玉千株齊蓮池遺蛻至今在其

旁更有法喜妻徘徊欲去仍畱稽浮屠百尺愁攀躋噴

月泉邊一分手映波橋上重扶藜歸途過六和塔下觀噴月泉兩公從此入

城余則度映波橋走蘇隄歸精舍垂楊兩岍桑千畦蘇隄兩岍皆栽桑矣暮鴉已

向林閒啼歸來作詩記游覽勿嫌嘲哂同寒蛻

越三日招雪琴侍郎同游西湖侍郎有詩次韻奉

答

為夢西湖好年年此往還侍郎奉命巡長戈船將就

道鏡舫暫偷閒是日所坐湖船名鏡舫已築三潭屋親題五字顏

侍郎築屋三潭印月題曰西湖退省庵來秋重九節再約叩松關

穀雨日陳竹川沈蘭舫兩廣文招作龍井虎跑之

游徧歷九谿十八澗及烟霞水樂石屋諸洞之勝

得詩五章

五年住西湖未盡南山勝遙指翠微閒探奇猶有賸暮

春天氣佳雲山發幽興二君有同志游事從頭定先日

戒輿丁臨行問山徑龍井至虎跑自晨游到暝

龍井寺久廢但存土神祠翁媪相偶坐不知所記誰其

詩八
旁有山家楚楚新茅茨山農頗好客飲我茶一卮青瓊
與綠髓清入人心脾是日逢穀雨正值新茶時乞取數
片歸珍惜如瓊芝
九溪十八澗山中最勝處昔久聞其名今始窮其趣重
重疊疊山曲曲環環路東東丁丁泉高高下下樹拳帷
看未足相約下輿步愈進愈幽深一轉一回顧每當溪
折處履石乃得渡詩云深則硤此句爲我賦但取滌塵
襟不嫌溼芒屨俯聽琴筑喧仰見屏障護九嶷有九谿
茲更倍其數迤邐到理安精廬略可住老僧具伊蒲欣
然爲舉箸

飯飽復入山先至烟霞洞前洞盡佛像但少香花供後
洞愈深邃側身入石縫持火乃可見四顧心駭恫內有
呂仙像名山仙佛共水樂洞殊小未足相伯仲所喜瑤
琤聲不減琴三弄掬水惜雲腴溼衣愁暴凍不如舍之
去鳴泉尙誼闋我凌石屋好天然具宇棟其左爲別院
小坐足吟諷其右有小樓石乳猶凝凍最奇曰甕雲洞
口狹如甕俯循石級下豁然乃虛空日光穿漏入頗足
破昏霧天生此神境不知誰斲礪昔賢所畱題遠者自
北宋我亦書數言聊以寄幽夢
游事粗告備乃更至虎跑是時日已晚斜照餘林稍凌

此泉水佳且復酌一酌爰循蘇公隄仍踏西泠橋連日
事游覽頗足紓鬱陶雲棲蠟雙屐三潭浮輕舸今復披
蒙茸一徑爭猿獠作詩謝二君游興今年豪

家兄王甫太守歿於福甯郡齋因馳赴福甯奉

太夫人北旋於五月二十六日至吳下厲廬謹記

以詩

版輿安穩迎慈母

此句乃余初罷河南學政時詩

十七年前句尙新何

幸望雲今遂願只愁聽雨夜傷神要娛鶴髮高堂暮且
借鶯花茂苑春回首長途心轉悻二千里路九旬人

太人時年八十有八自福甯至蘇州幾及二千里

舊歲覃恩兒子紹萊爲請一品封亦紀以詩

頻年韋布謝簪纓忽荷

推恩意轉驚此日承歡當彩服他年借重到銘旌蓬萊

舊藉

三朝遠雲水閒身二品榮聊與山妻作生日笄珈重爲

換釵荆

六月三日內子生日也卽於是日易命服

楊石泉中丞以闈中桂花盛開賦詩紀之卽次其

韻

畫戟森嚴鳳唼堂案頭文卷襍丹黃飽看試院幾株桂
應憶家園九里香

墨客揮麈云湖南人呼桂爲九里香中丞湖南人故云然記昔名

場曾屢踏卽今詩句有餘芳一箋示我西湖上添得吟
情分外狂

竹樵方伯恩錫被命攝漕督以詩賀之

余與方伯唱和詩最多彙爲一卷題曰吳中唱和存
稿別行之故不存於集今聞其攝漕督余適在西湖
精舍又因先兄葬事將還德清未知能及至吳中送
別否依依之意不能無詩詩雖不工亦不能不存也
鶯花茂苑久句畱新拜除書督九州望重旬宣周召伯
功資轉漕漢鄼侯豈惟玉粒關

天庾更藉金湯鎮上游從此范韓勳業大清談可憶在

南樓

頻年吳下共分箋忽聽驪歌意惘然佳句流傳來浙水

時新寄到大旗飛舞去淮堧遙知蕩節初移日正是梅

花欲放天爲報將軍卽才子用白香山詩意狂吟沿路有詩篇

甲戌春日彭雪琴侍郎寄和去歲纓字韵詩再次

韵答之

昔年慷慨請長纓此日閒居寵不驚南國風雲歸節制

西湖烟雨撲簾旌六橋許作鶯花伴四壁分來翰墨榮

前年承書樂知堂額見說九秋重過我呼童縛帚掃柴

荆

周應芝司馬死難遺象題辭

君名憲曾字景侯號應芝仁和人道光庚子恩科
舉人署直隸廣平府同知分防臨洛關未數月粵寇
至大帥走其地無城可守或勸入城避賊君不可竟
死之其繼室蒯為余同年蒯士香廉訪女弟廉訪時
官祥符縣聞警迎以車不冒去與側室郭同死一門
忠烈是可風矣廉訪以其遺像索題按劍特立生氣
凜然蓋卽死難時情狀也余為賦此

臨洛關前陣雲黑黑雲擁到黃巾賊大官見幾走且匿
一夫慷慨死其職借問死者誰周君字應芝聞曹土地

非所司況有公廨無城池君曰官此卽死此偷活草閒
吾所恥三尺龍泉電光紫一腔碧血洛河水閨中更有
梁鴻妻守死不去甘如飴大婦小婦相提攜一朝山下
雙磨笄我從丹青見顏色凜凜霜稜不可逼讀君佳傳
重太息別有悲憤生胸臆昔我僚壻何其賢與君同姓
兼同年其死在後君在先安義小縣彈丸然欲戰無兵
守無錢大呼殺賊張空券視君之死何媿焉余僚壻周君祖誥字雲笈亦庚子孝廉署江西安義縣死難方今
天子重大節况臣死忠婦死烈允宜萬古作圭臬我念
故人亦人傑可與後先共頡頏箕尾忠魂同不滅愧我

作歌疲且茶表忠有碑俟來哲

自天竺踰棋盤嶺歷九溪十八澗至理安途中得

詩二章示從游者

我登棋盤嶺四顧何廓然其前錢唐江望見風帆船西
湖在其東有若明鏡圓視我所居樓了了在目前籃輿
偶此過一步一流連惜無可坐處勝概收未全安得築
一亭高據茲山巔

我行十八澗何其繚以曲重重疊疊山其妙總在複山
中何所有松竹襍蒼綠更喜高下閒襯以紅躑躅籃輿
偶此過一步一往復惜無可坐處勝景看未足安得結

一庵深藏此山腹

秦小峴侍郎官浙時建東坡先生祠於孤山之陽
繪圖紀之嗣君澹如觀察出以見示時蘇祠亂後
重建圖亦失而復得也爲賦一律

玉局仙翁去不還尙畱祠宇傍湖山十年搖落干戈後
兩世風流翰墨閒我輩雪泥聊寄跡舊時春夢久從刪
詩人喜遇秦淮海咫尺蘇門倘許攀

聞撫王補帆同年述職入都行次姑蘇以病請假
然觀其閩中畱別詩似久有歸志矣因於西湖寓
樓次韻和之

榕城開府已三年抗疏求瞻詆蕩天海上輕裝將石載
江南春信在梅先去年臘底得君書即言將北來暫拋玉節偏多味小
住金閨亦有緣見說維摩新示疾不妨遲到五雲邊
利弊窮檐著意求八閩傳誦到杭州中興柱石無多讓
吾榜勳名第一流此日聞君將引疾有人越境苦攀留
杭州金少伯樞部深惜君去屬余至蘇力挽之為言四海思霖雨泰岱雲興莫
便收

君指鄉山樹幾株歸心早與白雲俱家園自有畱人桂
宦海原無消疾珠且喜妻孥習耕織好從里社養疏愚
翻嫌遲滯期難定容易菖蒲酒在壺君與余書欲於重午前歸里

鄙人廿載謝名場不記班聯舊濟蹌幸有朋儕同嘯傲
頓教詩興不積唐和君平子歸田句已是淮南招隱章
只恐

璽書來闕下仍催述職到明堂

滬上寓園芍藥盛開偶作小詩

暫與名園作主人可無綺語謝花神杭州正喫毛頭筍
亦名貓頭筍見西湖志海上來看婪尾春醉蝶癡蜂遊戲慣嬌紅
膩紫翦裁勻須知樸學齋中客也喜風光到眼新園中舊有
湛華堂余易其額曰樸學齋示黜華崇樸也然對此名花亦不能無詩

贈張子剛

江西張燧字子剛事其嗣母至孝其母近百歲乃卒
子剛工詩畫有聞於時然至今猶以縣佐需次聞將
浮海北行見合肥相國故以詩贈之即書於其便面
張子有真性居家孝可師扶持百歲母啼笑一嬰兒名
早遇偏晚行高官自卑送君從此去遭際果何時

彭雪琴侍郎退省庵在三潭印月與余所居詰經
精舍止隔一湖心亭耳過湖奉訪率成一律

退省庵中舊勒銘余撰退省庵記并銘今來相訪近南屏回看對

面孤山路詰經精舍在孤山路止隔當心一角亭閒趣儘容吾輩

領闌言試說老僧聽請從此夕推窗望上將星聯處士

星

楊石泉中丞過我西湖精舍遂偕至退省庵訪雪
琴侍郎疊前韵

陋室荒涼未足銘推窗閒對萬山屏忽看畫舫浮梅檻

已過莎隄問水亭白雪新詩先快讀中丞先使人以詩來綠波柔

艣更同聽移舟遠渡前汀去退省庵中訪客星

題黃韵珊孝廉桃谿雪傳奇後

永康吳絳雪名宗凌國初才女也工詩畫兼有國

色康熙十三年耿精忠叛於閩中其部將徐尙朝犯

永康宣言曰以絳雪獻者免邑人兇懼謀行之以紓

難絳雪遂行至三十里坑投崖而死事越百五六十
年志乘無徵吳康甫大令爲永康丞始表章其事屬

黃孝廉譜此曲

曾向秦臺泣鳳皇孝廉曾作帝女花傳奇紅顏碧葬更淒涼春風

寫入黃荃筆卅里坑邊土尚香

綺年才調女相如翰墨畱題徧國初一擲危崖千古

事眉樓羞殺老尙書龔芝麓尙書有題絳雪畫冊詩

記昔看山到永嘉永康城外屢停車來遲未遇哦松客

誰與城西訪杏花吳康甫大令作永康丞訪知城西由義巷卽絳雪故居余兩至永嘉距康

甫作永時二十餘年矣

離合悲歡任意編傳奇體例想當然我今更定瑤華譜

續得佳人命一年傳奇事實與本集不甚合院本體裁也余編次絳雪年譜寄康甫大令刻

之本集之前較陳琴齋考定絳雪死年二十四者又多一年也

半壁山黑米歌

半壁山在大江中咸豐閉楚軍血戰之所也後掘地

得黑米甚多并有古輒刻吳國江防字識者曰孫吳

時魯子敬屯兵於此蓋其兵糧所遺也彭雪琴侍郎

分贈少許云治痢疾因爲賦此

昔聞飛山砦舊有朱公祠往往敗垣內有米堅而黝云

是朱都督兵糧之所遺又聞武昌郡得米亦如之是猶僞

漢物留自明初時友諒昔僭號此故其倉基乃知世間
物積久斯成奇何怪乾陲國燹米珍尸毗大江半壁山
有米誰所貽殘甑吳國字點畫猶未剗傳聞魯子敬曾
此屯雄師師行而糧食狼藉同糠粃至今千百年珍貴
如瓊糜羽之色似漆澠之質不齧持此治腹疾不必帶
下醫衡陽彭侍郎贈我滿一匳元珠非可食黑玉非可
炊食古幸有此庶幾樂我飢應減鬢鬢皓兼潤面目黧
寂寞草元人尙白其無嗤

賀蘭山小獵圖爲張朗齋軍門曜題

張朗齋軍門奉 詔出關剿回部駐師賀蘭山繪賀

蘭山小獵圖萬里詒書乞余題辭余適在西湖詒經
精舍因作此詩交同年蒯士香廉訪轉寄軍門時乙
亥三月也

春晴正向湖樓坐喜鵲隨函天外墮開城瑤碧燦成行
尙有甘涼雲氣裏書言轉戰西出關旌旗遙指賀蘭山
元昊宮前沙漠漠奢延水上流漫漫是時寇蹤已無迹
屯軍待掃鼙鼉穴健兒身手不能閒日日雕弓飛霹靂
賀蘭山高嵯峨上有千年萬年之積雪下有一曲二曲
之黃河元戎小隊平明出恰好草枯鷹眼疾伐狐擊兔
耀兵威振鐸作鏡肄軍律北平射虎飛將軍若論遭際

終輸君君以壯歲成奇勳隨陸能武絳灌文承流宣化
何足云高牙大纛生風雲君初官河南布政使有言君不識字者改總兵無邊
秋色蒹蘆水獵罷歸來暮烟紫張鐙虎帳譜鏡歌瀉酒
駝囊酬戰士我本烟波一釣徒綠蓑青笠狎鷗鳧願君
百戰功成後來共清游西子湖

余故里無家久寓吳下去年於馬醫巷西頭買得
潘氏廢地一區築室三十餘楹其旁隙地築爲小
園壘石鑿池褰蒔花木以其形曲名曰曲園乙亥
四月落成率成五言五章聊以紀事

吾家烏巾山舊有先人屋四齡卽遷徙至今遂難復東

華挂朝籍中州忝使竹自此稱賓氓十有八寒燠天地
本蘧廬何者我邦族吳中五柳園昔曾寄游矚亂後廢
爲墟止餘水一掬幸茲馬醫巷有地吉可卜爰自去年
秋辛勤事版築居然告成功止閱弦望六但取粗可居
焉敢窮土木吾學公子荆一苟萬事足

其前闢爲門門小纔通車合肥李文華署曰著書廬李
荃相國書德清俞太史著書之廬九字今榜諸門其中爲聽事頗覺寬有餘是
曰樂知堂老彭爲我書謂彭雪琴侍郎樂天而知命斯義聊自

娛由此入內室居處全家俱上以奉老母下以容妻孥
賓朋別有館僕媪各有居幽隱爲屏園明敞爲庖

模罔不具曰陋則有諸

自聽事而西有春在堂焉文正所題榜墨彩今猶鮮四

方君子至皆於此周旋曾文正昔爲余書春在堂三字今於樂知堂西爲便坐以待賓

客卽以此此內有隙地不能成方圓自南而北東有若磬

折然書生例好事所樂惟林泉爰因地一曲而築屋數

椽卷石與勺水聊復供流連名之曰曲園爲鉤不爲弦

吾聞之老子所謂曲則全

曲園雖褊小亦頗具曲折達齋認春軒南北相隔絕花

木隱翳之山石復嶮岬循山登其巔小坐可玩月其下

一小池游鱗出復沒右有曲水亭紅欄映清冽左有回

峰閣階下石凹凸遵此石徑行又東出自穴依依柳陰

中編竹補其闕築屋名良宦廣不逾十笏勿云此園小

足以養吾拙別詳曲園記吾茲不具說

昌黎三十年辛苦成屋廬作詩誇兒曹意溢詞之餘東

坡讀而歎謂不淵明如嗟余本無似碌碌章句儒年華

逝水迅往事搏沙虛乾坤逆旅中偶此畱須臾若復相

炫耀大可相揶揄有記更有詩姑以存區區竊示高平

君不用書示符

徐花農秀才琪爲余繪曲園圖賦此謝之

一曲園林布置麤盆池拳石自嬉娛忽煩妙手來描寫

遂使全家住畫圖康節行窩原是寄放翁團扇豈堪摹
因曲園圖標飾未竟先縮寫齊紈一握見貽得君點染居然好始信文人筆墨殊

小浮梅

厲樊榭湖船錄云黃貞父儀部用巨竹爲泖浮湖中編蓬屋其上朱闌周遭設青幕障之行則揭焉支以小戟其下用文木斲平若砥布於泖上中可容六七胡牀位置几席觴豆旁及彝鼎罍洗茶鐺棊局之屬名曰浮梅檻余頻年主講詒經精舍春秋佳日時至西湖每思糾同志數人仿此製爲之而迄不果有造

浮梅檻議一篇存賓萌集中乙亥初夏吳中曲園落成園有曲池乃於池中截木爲桴屋於其上朱闌綠幕略如黃製然池周圍止十一丈方之西湖直杯水耳故此桴廣止四尺修止五尺渺乎小矣因名曰小浮梅賦十二韵記之

十年雅慕浮梅檻試手經營到此纔只惜量來不盈丈故應喚作小浮梅縱橫籜棧三層積前後軒檻四面開帷幕綠隨風反側闌干紅與水徘徊一繩搖曳呼孫挽半席寬閒倩婦陪偶欲曲肱宜竹几或思潤吻有茶杯平如畫檻移春去暫似仙槎貫月來萍到舷邊堪掇拾

魚游鳥下莫疑猜蒲團布處成禪榻笞笞攜將卽釣臺
試與臨流弄寒碧勝於掃石坐莓苔曩時創議傳朋舊
此日環觀詫僕僮問訊天南老開府乘桴海上幾時回
閩撫王補帆同年頗有書來問浮梅
檻成否故及之時補帆方駐臺灣也

題馮尹平刺史畫卷後

刺史曾以事繫請室者四年惟以書畫自娛此卷花
卉翎毛山水人物各二幀乃獄中所作也嗣君竹儒

觀察屬題

銅牆虎獄慘無色一窖閒愁消不得先生四載困南冠
坐對圍屏弄烟墨烟墨濡染何其工俗塵不到神明通

雖居蝎尾蛇頭地如處膠山絹海中萬里孤臣長賜玦

芒鞋踏徧天山雪自從摹寫入丹青火嶼清涼冰海熱

刺史後戍新
疆畫學益進

玉輪鸞佩巫陽招惟留畫卷如牛腰但覺

赤霄有眞骨那知白髮生愁苗繫余未及先生見令子

英英共游醜昔日淒涼紫塞游此時磊落青雲彥

觀察
曾從

親游
塞外

示我斯圖于澤新堪嗟斂鳳與宜麟風鬟霧鬢龍

宮女可是先生自寫眞

畫中有一幅是
龍女牧羊故事

哭王補帆同年

凱泰

補帆爲余庚戌同年同官翰林在京師時晨夕往還
無閒也遂以長女妻君仲子庚辛之亂君寓余書勸

余買田寶應爲借隱計書不達事遂不果後君佐合
肥相公戎幕積功官至福建巡撫書問往來無月無
之今年夏君駐臺灣辦理開荒撫番諸事得病內渡
未半月卒於使署 詔書悼惜有清廉勤慎辦事
實心之褒贈太子少保謚文勤福建省城及臺灣府
均建專祠 賜長子儒卿舉人次子豫卿員外三
子壽卿主事可謂備極哀榮矣君今歲書來頻問曲
園景物余小浮梅詩結語曾及之孰謂招隱不成乃
變爲招魂哉賦四律哭之至君政績上有 國史下
有輿論余詩可不及也

紅毛樓下駐鸞輪歸到榕城南浹辰海國驚傳箕尾信

璽書深獎實心人諸孤疊被簪纓寵絕徼長存俎豆新

除卻黔中老開府

謂曾樞
元同年

勛名吾榜更無倫

往迹眞如水上漚不堪回首鳳城游詞林散秩無公事
旅館清談有茗甌小步橫街同踏月閒身枯寺共尋幽
追思二十年前事那得風前淚不流

無端烽火徧南東一出承明類轉蓬勸我買田虛有約
看君投筆竟成功昏姻早已聯兒女仕隱何妨判異同
檢點篋中書札在不知月費幾郵筒

去年相見在蘇臺送去征帆便不回海外窮探大黃竹

吳中欠坐小浮梅私情自重苔岑誼公論深嗟柱石才
既爲蒼生兼感舊人琴一慟有餘哀

丙子初冬自杭旋蘇平望舟中以詩代柬寄彭雪
琴侍郎於西湖退省庵

小住西湖半月餘又攜書劍返姑胥不勞冠蓋來相送

自有山僧送上輿聖因寺僧理安寺僧均捐別於輿前

又費篷窗四日功安排筆硯與詩筒百空曲向舟中唱

自媿觀空尚未空舟中作駐雲飛一百首用九西堂十空曲體衍爲百空曲

殘菊仍將瓦缶栽燈前瘦影足徘徊歸家戲向山妻說

載得西湖秋色來時有殘菊四盆載之以歸

退省庵中一寄樓輕裘緩帶自風流偶然學得臣斯篆

寄與先生大筆收時作小篆數紙寄侍郎

馮智烈孝子詩

孝子名福基智烈其私諡也山西代州人安徽潛山

縣天堂巡檢馮焯之子咸豐七年賊犯潛山福基匿

母山中自出爲賊所獲挾利刃欲刺其魁不得閒乃

竊藥肆礮霜置食中斃賊十七人賊魁推所自福基

懼事泄亦食之仆草閒賊委之去乃爲書別其父及

天堂諸父老時有劉士扶在側以書屬之并曰我死

必斂以衣冠庶可見先人於地下也俄而毒發竟卒

年十有四安徽巡撫以聞有詔優卹

嗟哉孝子厥年猶童邁時之難賊來兇兇匿母而出誑賊余降乃帕其首偽若賊從乃厲其刃思堪賊肯無閒可入前戈後縱

嗟哉孝子厥性甚智市有礮霜兒過而睨竊而寘之于醬于豉賊十有七成斃于解賊曰怪哉此毒疇寘兒啜厥餘亦踣于地賊則行矣兒則僵矣二日不死圍圍洋洋為書別父諸父諸兄我死我斂我冠我裳臨死遺言其言英英誰與聞之劉叟在旁

嗟哉孝子雖死如在疆吏上言聞于

天子

天子曰嗟此事塵有禮部上言表厥宅里兵部上言賜

金加倍

天子曰俞垂于永久

送馮竹儒觀察赴伊犁

竹儒觀察之尊甫尹平刺史以事成伊犁卒焉兵亂途梗其喪未歸今聞新疆諸城次第克復乃請於大府聞於

朝給假出關奉迎靈櫬丁丑春日自滬啓行賦詩四律

送之

多時魂夢繞天山

帝有恩言許出關此去春先到戈壁昔年恨未唱刀環
杜陵弟妹飄零後疏勒山川想望閒奉到
璽書應感泣征衫那不淚潸潸

聽取驪歌一曲新回思往事倍傷神十年馬角烏頭約
萬里冰天雪窖身塞外空留蓬顆地關中盼斷柳車塵
烽烟直接蒲犁國葱嶺河邊莫問津
征西上將霍票姚鬼難風災處處消漢使已從張掖去
巫陽應向汨羅招恭逢孝治超前古敬以私情達

聖朝遙想車師諸父老玉門關外候星軺

欲謝金章賦遠遊慰留深費

廟謨周免教清議譏滕羨更為民情挽鄧攸奉旨賞假一年無

庸開三月烟花壯行色一年寒暑理征裘不才忝據臯

比坐要待君歸共唱酬

送楊石泉中丞罷官歸湘鄉

甘棠萬樹綠陰稠忽聽驪歌處處愁

朝議不為韓愈惜民情都願寇恂留竟如雅願還初服

尚有單寒感大裘徐花農孝廉都下書山色湖光俱惜

別也如白傅去杭州

崎嶇戎馬浙西東掃盡烽烟四境紅昔日鐵衣腥戰血
此時玉帳動春風刪除苛細人人喜感召祥和歲歲豐
一十六年功德在生祠端合祀于公

頻年抗疏乞歸田微罪而行暫息肩

聖主自因民命重吾儕深惜使君賢輕舟載石中無物
清夜焚香上有天不久東山應復出如公豈得卧林泉
鰕生何幸接餘光十載周旋總不忘東野詩寒煩作序
曾刻拙詩并為製序西湖春暖屢飛觴卽看歸棹浮湘水會有
恩綸下建章公是鳳鸞我鷗鷺異時還望共翱翔

吳貞女詩

貞女爲浙江山陰人吳春巢經歷之女許嫁劉丹崖
之子曰荔清以貧故未成嘉禮而春巢與丹崖相繼
卒荔清亦旋卒女聞欲死之母許其歸劉氏守節乃
止然劉氏無一人又無期功強近之親有劉少英者
其疏族也與之謀遷延未果女求死益力有劉西屏
者又疏於少英者也聞而義之曰予亦同姓何待彼
爲乃卜日迎歸以如其意然亦非可久依聞至今仍
在母家欲嗣族人子爲子亦未可得熒熒孤苦無逾
此者矣爲賦是篇

山陰吳氏女稚齒如成人耿介守禮法不爲流俗牽聞

人談節義申旦常不眠許嫁劉氏子年少何翩翩家貧
禮不具未得成昏姻兩家邁閔凶堂上凋靈椿傷哉劉
氏子孤苦難具陳獨力支門戶千里奉柩朝歛暮復
惜不復能永年女始聞其耗涕出如雨零上堂告阿母
終身不二天阿母語阿女汝宜從所便劉本單寒族無有
期功親雖乘素車往何處安汝身阿女告阿母女意金
石堅死則劉氏鬼生則劉氏人苟欲易吾志不如益吾
咽劉氏有疏族其人何其賢聞言而起敬既敬仍哀憐
乃爲除吉宅乃爲召嘉賓采幣謀諸友良辰諏諸神東
市買花燭西市買華裯媒者衣粗粗返者車粼粼入門

何所有衰草蒿與蔽入室何所有饑鼠行踴踴夜來何
所有燈火搖青燐朝來何所有甑釜生灰塵悲哉復悲
哉辛苦萬與千已矣長已矣此志無磨磷下有深深地
上有高高天中有一弱女四顧無與鄰吾爲貞女拜吾
爲貞女嘯儻有采風使盍視此詩篇

日本儒官竹添漸卿

光緒

以詩見贈次韵酬之

東瀛仙客駐瞻帷游歷渾忘歸計遲萬里雲山都在眼

以所著棧雲峽
雨日記求序

一門風雅自相師

聞眷屬
隨行

青衫舊恨關

時局黃絹新詞鬪色絲愧我迂疎章句士承君欣賞奈
無奇

松下清齋圖為潘西圃前輩題

吳下陸謹庭先生恭松下清齋圖本王蓬心太守宸所作翁覃溪學士有詩并書松下清齋四字於卷首瘦硬通神洵可寶也尤二娛大令攜至浙江失之奚鐵生布衣為作直幅又倩宋芝山廣文補作橫幅如前圖而覃溪學士亦為補書舊所題詩至同治庚午其孫新之復得前圖於金陵市肆乃合前後兩圖為一卷西圃前輩其外孫也屬賦此篇

爪葉鱗條翠撲撲虬松兩樹高於屋先生築廬此讀書月姿烟格無由俗蓬心太守為作圖何意失之尤二娛

妙蹟已煩鐵生補舊觀重倩芝山摹北平學士年七十老筆無花如鐵立曩時詩句未遺忘不辭重灑金壺汁雲烟過眼何怱怱又况劫火東南紅後圖幸免付灰燼前圖已分隨飄風豈知神物天珍惜前後兩圖重合璧標飾仍教一幀同品題不啻千金獲故家喬木重金闈對此應知世澤長看取孫枝重茁秀舊低新掩兩青蒼

李黼堂同年相以湖南永順所出鳳灘石製硯見贈銘曰曲園著書之硯賦此謝之

自古選硯材青州為第一絳石又次之端歙最後出後出擅天下卷石價千鎰自從唐宋來斧鑿無休日老坑

既告盡新坑固非匹造物不愛材雲液又旁溢永順古
溪州山盤而水屋馬氏舊銅柱至今猶屹峯於此訪陶
泓故老無傳述云何鳳皇灘忽產琳琅質山靈惜珍尤
千年閉瓊室溫伯雪子來謂溫味秋學使始爲第甲乙從此登
文房採取逾石蜜平視歛與端駸駸欲跨軼萬物有代
興尹邢勿相嫉我思中興來楚材最橫逸衡湘多奇氣
芝生而菌茁篤生異人外餘氣尙淳漓遂令山中石菁
華照緗帙故人李鄴侯別久交逾密昨者尺素書迢迢
附郵驛發函見光采非瑋復非秘撫之如脂凝望之如
玉璫堅如石中璞嫩如荷本密美哉卽墨侯其德溫而

栗異時修硯史上品茲可必媿我得良田未足納總鉅
潦倒故史官荒疏舊經術空有著書硯柰無著書筆曲

園襍纂成發君一笑啞

時刻曲園襍纂五十卷
未成先以書日奉寄

嚴星巖孝廉山水手卷爲陳仙海太守題

孝廉名炳秀水人癸卯舉人咸豐十年四月城陷孝
廉將自裁忽聞母嗽聲心動刀墜地賊素聞其名亦
弗逼也踰月母死遂死之子寶森城破時先死妻吳
子婦方皆從死此卷爲仙海太守作寒山古木筆墨
蕭然畫固以人重卽論畫亦佳品也因書五言一章
於其後

禾中有嚴子癸卯舉於鄉吾兄同歲生於我亦雁行南
宮屢失意歸來臥室衡其人和而介玉粹金堅剛庚申
禾城陷白日行豺狼君時已決計引刀斷其吭舉手手
忽戰有母歿於牀姑緩須與死投刀趨北堂賊亦慕君
義不忍臨以兵踰月母令終初志今其償誰歟從君死
妻吳子婦方有子曰寶森先已成國殤一門遂灰滅名
姓空畱芳何意得此卷樹古山蒼蒼其中有正氣如見
鐵石腸畫固以人重人亦以畫彰太守其寶之一卷千
白珩流傳百世後珍比戴與湯太守屬題珍同湯戴四
字於卷首謂湯貞愍戴
文節兩公均死難
而筆墨亦相近也

翁叔平侍郎以著草五十莖寄贈云

惠陵所出也敬記以詩

昔臣奉使至于陳得著草於陳守臣云是太昊陵下出
千年抔土猶有神昔年陳州太守曾
以伏羲著草見贈今以賓萌居吳下
只共場師藝梧檟何圖日下故人來貽我靈著可盈把
敬問此著何處得非孔非姬其揆一地符天瑞非人爲
近者新從

惠陵出

先皇御宇十三年削平禍亂消戈鋌橋山弓劍閱靈氣
上爲卿雲下醴泉茵茁芝生不常有產此神著夫豈偶

古云著義取之者定卜縣長昌厥後草莽小臣無一能
捧著不問沈與升惟從天意占中興萬年有道茲其徵

竹樵方伯恩錫輓詩

竹樵方伯藩蘇七載與余詩詞唱和甚得也今年述
職入都行次安肅而卒余聞之泣然為譜薄媚摘徧
詞一闕附春在堂詞錄復為此詩存集中前一章粗
述其生平後三章皆敘數年情事也

少年簪筆試明光君以磨生
試列高等

玉詔親除畫省郎十載西曹推杜鄭始官刑部一麾東國頌

冀黃繼以知府
官山東皖公山下憂時淚官皖臬以
危言左遷遼海亭前

醉客觴官奉天
府尹為政寬平人烟福豈惟門第重金張

綠駟朱幘到蘇臺歲歲花箋與共裁使節有時雖小別

曾攝漕
督一年郵筒無月不傳來刊成酬唱詩三集疊得尖叉

韻幾回未免清才掩勲業遲君幕府幾年開

勲業由來世共知卽論風雅亦堪師遠賡有宋諸賢韻

君於蘇州府署訪得宋紹熙間
同年酬唱詩石刻次韻和之手校前明一代詩君重
刻汪

韻莊女士明
三十家詩選吳下秋蘭樹壇坵賦秋蘭詩四
首和者甚眾

帝臺春色動旌旗君入覲時余賦帝
臺春一闕送之誰知白海棠花句

已是臨行白輓辭君臨行賦白海棠
詞二闕索同人和

風雪漫漫行路難再遲兩日卽長安相公莫慘臨歧袪

至保定見合肥相國次日弱女難憑逆旅棺如夫人女
行六十里至安肅而長逝公子皆隨
定故先人都矣未定新詞有花犯君臨別時言花犯
未竟成讖語是蘇完君姓蘇完瓜爾佳氏及任篋中詩
稿零星在此日淒涼怕展看蘇潘改爲蘇垣避語讖也

春在堂詩編八

